



門中武
82
40

產後將調法

產後通用方

胞衣不下

血暈厥逆

血不下

血不止

心痛

腹痛

脇脹痛

腰痛

頭痛

脚氣

遍身疼痛

中風

痰癎

拘攣

不語

狂言譫語

顛狂

乍見鬼神

驚悸

恍惚

虛煩



女科證治準繩卷之五

金壇王肯堂輯 門人新安閔承詔校

產後門

產後將調法

大全凡生產畢飲熱童便一盞不得便卧且宜閉目而坐須臾上床宜仰卧不宜側卧宜豎膝未可伸足高倚牀頭厚鋪衲褥遮圍四壁使無孔隙免致賊風及以醋塗鼻或用醋炭及燒漆器更以手從心膈至臍下使惡露不滯如此三日以防血暈血逆不問腹痛不痛有病無病以童便和酒半盞温服五七服妙

酒雖行血亦不可多恐引血入四肢且能昏暈宜頻
食白粥少許一月之後宜食羊肉豬蹄少許仍慎言
語七情寒暑梳頭洗足以百日為度若氣血素弱者
不計日月否則患手足腰腿痠痛等證名曰辱勞最
難治療初產時不可問是男女恐因言語而泄氣或
以愛憎而動氣皆能致病不可獨宿恐致虛驚不可
刮舌恐傷心氣不可刷牙恐致血逆須血氣平復方
可治事犯時微若秋毫成病重如山獄可不戒哉陳
器云清苧汁與產婦服之將苧麻與產婦
枕之止血暈產婦腹痛以苧安腹上則止 產婦將
息如法臟腑調和庶無諸疾苦須先服黑神散四物

湯四順理中丸七寶散若壯熱頭痛此乳脉將行用
玉露散頭目不清是血暈用清魂散粥食不美是胃
氣虛用四順理中丸 丹或曰初產之婦好血已虧
汚血或留彼黑神散非要藥乎荅曰至哉坤元萬物
資生理之常也初產之婦好血未必虧汚血未必積
藏府未必寒何以藥為飲食起居勤加調護何病之
有誠有汚血體怯而寒與之數貼亦自簡便或有他
病當求病起何因病在何經氣病治氣血病治血何
用海制此方例令服餌設有性急者形瘦者本有怒
火者夏月坐蓐者時有火令薑桂皆為禁藥至于將

產後調新法

女科五

二

護之法尤為悖理肉汁發陰經之火易成內傷之病也先哲具有訓戒胡為以羊雞濃汁作糜而又常服當歸丸當歸建中湯四順理中丸雖是補劑並是偏執藏府無寒何處消受若夫兒之初生母腹頓寬便啖雞子且吃夥鹽不思雞子難化夥鹽發熱展轉生證不知所因率爾用藥寧不誤人子每見產婦之無疾者必教之以却去黑神散與夫雞子夥鹽諸品肉食且與白粥將理間以些少鯊魚者今淡食之半月後方與少肉若雞子亦須豁開淡煮大能養胃却疾彼富貴之家驕恣之婦卒有白帶頭風氣痛膈滿痰

逆口乾經事不調髮禿體倦皆是陽盛陰虛之病天生血氣本自和平曰盛曰虛又烏知非此等繆迷有以兆之耶

千金云凡產後滿百日乃可會合不爾至死虛羸百疾滋長慎之凡婦人患風氣臍下虛冷莫不由此早行房故也產後七日内惡血未盡不可服湯候臍下塊散乃進羊肉湯有痛甚切者不在此例候兩三日消息可服澤蘭丸此至滿月丸藥盡為佳不爾虛損不可平復也至極消瘦不可救者服五石澤蘭丸補之服法必七日之外不得早服也凡婦人因

無它
疾宜
調胃
脾

暑月產乳取涼太多得風冷腹中積聚百疾競起迄
至於死百方療不能差桃仁煎主之出羣後服之婦
人總令無病每至秋冬須服一二劑以至年內常將
服之佳

丹溪云產後以大補氣血為先雖有雜證以未治之
產後一切皆不可發表產後不可用芍藥以酸
寒伐生發之氣故也

通用方

加味四君子湯 新產之後雖無疾故宜將息調理
脾胃美進飲食則臟腑易平復氣血自然和調百

疾不生也

人參

茯苓

白朮

甘草

陳皮

藿香

縮砂仁

黃芪

各等分

右剉散每服肆錢薑參片棗壹枚煎溫服

四順理中丸 治新產血氣俱傷脾胃不調百日内

宜常服

人參

去蘆

乾薑

炮

白朮

各壹兩

甘草

炙半兩
為細末

右煉蜜丸如桐子大每服伍拾丸空心米飲送下

有熱者清之

地黄丸

治產後腹痛眼見黑花或發狂如見鬼狀
或胎衣不下失音不語心胸脹滿水穀不化口乾
煩渴寒熱往來口内生瘡咽喉腫毒心中忪悸夜
不得睡產後中風角弓反張面赤牙關緊急或崩
中如豚肝臍腹疔痛煩躁恍惚四肢腫滿及受胎
不穩唇口指甲青黑

生地黄

研取汁

生薑

各貳斤研取汁留滓

蒲黃

當歸

各肆兩

右於銀石器內取生地黄汁炒生薑滓以薑汁炒
地黄滓各令乾四味同焙研為細末醋煮麵糊為

丸如彈子大每服壹丸食前當歸酒化下一方

只用地黃生薑依交加法制為末每服叁錢酒下

當歸散

見前胎墮

四味湯

治產後一切諸疾纔方分娩一服尤妙

當歸

心膈煩

玄胡索

氣悶喘

血竭

惡露不快

沒藥

心腹撮痛

右等分為細末每服貳錢食前以童子小便壹鍾

煎至陸分温服

玉露散

治產後乳脉不行身體壯熱疼痛頭目昏

眩大便澁滯此藥凉膈壓熱下乳

人參

白茯苓

甘草 各半兩

川芎

苦梗 炒

白芷 各壹兩

當歸 貳錢半

芍藥 柒錢半

右為細末每服貳平錢水壹盞煎至柒分溫服如煩熱甚大便秘者加大黃貳錢半

地黃煎 治產後諸疾

生地黄汁

生薑汁 各壹升

藕汁 半升

大麻仁 叁兩去殼研

右和勻以銀器內慢火熬成膏溫酒調服半匙更以北木煎膏入半匙尤佳 產寶方無麻仁用白

蜜治產後虛憊盜汗嘔吐

地黃酒 治產後百病未產一月先釀產訖可服

地黃汁

好麴

好淨秫米 蒸各貳升

右先以地黃汁漬麴令發準家法釀之至熟封七日取清者服常服令酒氣相接勿令絕忌蒜生冷鮮滑雞豬肉一切毒物凡婦人皆可服但夏三月不可釀春秋宜作以地黃汁并滓內米中炊冷用之若作一石十石準此二升為則先服當歸湯後服此妙

桃仁煎 療產後百病諸氣

桃仁

壹千貳百枚去皮尖及雙仁熬令黃色

右搗令極細以上等酒壹斗伍升同研三四遍如作麥粥法以極細為佳入小長頸瓷瓶中密塞以麵封之納湯中煮一伏時不停火亦勿令火猛使餅口常出在湯上勿令沒之候熟取出溫酒服壹合日再服

產後醋墨

松烟細墨

不拘多少用炭火煨通紅以米醋溼之再煨再燂如此柒度

右研令

極細用絹羅過纔產了服貳錢以童便調下

寒者溫之

黑神散

治婦人產後惡露不盡胞衣不下攻衝心

胸痞滿或臍腹堅脹撮痛及血暈神昏眼黑口噤產後瘀血諸疾並皆治之 又名烏金散治產後

十八證一曰因熱病胎死腹中二曰產難三曰胞

衣不下四曰血暈五曰口乾心悶六曰乍寒乍熱

七曰虛腫八曰乍見鬼神九曰月內不語十曰腹

痛泄瀉兼服止瀉調氣藥十一曰徧身疼痛十二曰血崩

十三曰血氣不通咳嗽十四曰寒熱心痛月候不

來十五曰腹脹滿嘔逆不定次服朱砂丸十六曰口鼻黑氣及鼻衄此證不可治十七曰喉中氣

喘急治不十八曰中風

熟乾地黄

蒲黃炒

當歸

乾薑炮

桂心

芍藥

甘草各肆兩

黑豆炒去皮半升

右為細末每服貳錢酒童便各半盞同煎服

琥珀散 治產後一切危急之疾

琥珀

朱砂

麝香

香墨醋炙

僵蠶

當歸各貳錢半

鯉魚鱗炒焦

桂心

百草霜

白附子

梁上塵炒令煙出篩淨各半兩

細末之炒生薑執酒調服貳錢効

千金增損澤蘭丸

療產後百病理血氣補虛勞

澤蘭

甘草

當歸

川芎各壹兩柒錢半

附子炮

乾薑

白朮

白芷

桂心

北細辛各壹兩

北防風

人參

牛膝各壹兩貳錢半

柏子仁

熟地黄

石斛各壹兩半

厚朴

藁本

蕪荑各伍錢

麥門冬去心貳兩

右共為細末煉蜜丸如梧桐子大溫酒下貳拾丸
黑龍丹 治產後一切血疾產難胎衣不下危急惡

疾垂死者但灌藥得下無不全活

當歸 五靈脂 川芎

良薑 熟地黄 各壹兩

右細剉以沙合盛赤石脂泥縫紙筋鹽泥固濟炭火十斤煨令通赤去火候冷開看成黑糟色取出細研却入後藥

百草霜 伍兩 硫黃 乳香 各壹錢半

花藥石 琥珀 各壹錢

右五味並細研與前五味再研如法修製和勻以米醋煮麵糊丸如彈子大每服壹丸炭火燒令通

赤投於生薑自然汁與童子小便入酒漉出控乾研細只用此酒調下

診婦人生產之後寸口脉洪疾不調者死沉微附骨不絕者生 婦人新生乳子脉沉小滑者生實大堅弦急者死

胎衣不下
胎衣不下者，世謂之息胞。由產初時用力，比產兒出而體已疲憊，不復能用力，產胞經停之間，而外冷乘之，則血道澁，故胞衣不出。須急以方藥救治，不妨害於兒。所柰者，胞繫連兒臍，胞不出，即不得以時斷臍。浴洗冷氣傷兒，則成病也。舊法胞衣不出，恐損兒者，依法截臍而已。產處須順四時，左面并避五行禁忌。若有觸犯，多令產婦難產。郭稽中論曰：胎衣不下者，何荅曰：母生子訖，流血入衣中，衣為血所脹，故不得下。治之稍緩，脹滿腹，以次上衝。

胞衣不下

大全夫有產兒出胞衣不落者，世謂之息胞。由產初時用力，比產兒出而體已疲憊，不復能用力，產胞經停之間，而外冷乘之，則血道澁，故胞衣不出。須急以方藥救治，不妨害於兒。所柰者，胞繫連兒臍，胞不出，即不得以時斷臍。浴洗冷氣傷兒，則成病也。舊法胞衣不出，恐損兒者，依法截臍而已。產處須順四時，左面并避五行禁忌。若有觸犯，多令產婦難產。郭稽中論曰：胎衣不下者，何荅曰：母生子訖，流血入衣中，衣為血所脹，故不得下。治之稍緩，脹滿腹，以次上衝。

心胸痛喘急者但服奪命丹以逐去衣中之血血散脹消胎衣自下牛膝湯亦効薛有因惡露入衣脹而不能出有因元氣虧損而不能送出其惡露流衣中者腹中脹痛用奪命丹或失笑散以消瘀血緩則不救其元氣不能送者腹中不脹痛用保生無憂散以補固元氣或用草麻子肉壹兩細研成膏塗母右脚心衣下即洗去緩則腸亦出如腸不上仍用此膏塗腦頂則腸自入益母丸亦効家人婦胎衣不出胸腹脹痛手不敢近此瘀血為患用熱酒下失笑散一劑惡露胎衣並下一產婦胎衣不出腹不脹

痛手按之痛稍緩此是氣虛而不能送出用無憂散而下前證余詢諸穩婆云宜服益母草丸或就以產婦頭髮入口作嘔胎衣自出其不出者必死授與前法甚効一產婦產後面赤五心煩熱敗血入胞胞衣不下熱有冷汗思但去其敗血其衣自下遂用烏豆貳合炒透然後燒紅鐵秤鎚同豆淬其酒將豆淋酒化下益母丹二丸胞衣從血而出餘證盡平奪命丹

附子半兩 牡丹皮壹兩 乾漆貳錢半
右為細末以醞醋壹升大黃末壹兩同熬成膏和

藥丸如梧子大温酒吞伍柒丸不拘時

花藥石散

治產後氣欲絕緣敗血不盡血迷血暈

惡血奔心胎死腹中胎衣不下至死者但心頭暖急以童子小便調壹錢取下惡物如豬肝終身無血風血氣疾膈上有血化為黃水即吐出或小使中出也若先下胎衣則泚泚之藥不能達若先治血悶則尋常之藥無此功無如此藥有兩全之効

花藥石

壹斤

上色硫黃

肆兩各研細

右二味相拌令勻先用紙和膠泥固瓦罐子一箇內可容藥候泥乾入藥在內密泥封了焙籠內

焙令透熟安在四方磚上

磚上書八卦五行字

用炭一秤籠

疊周匝自已午時從下生火令漸漸上徹有隊下火放夾火上直至經宿炭消火冷又放經宿令定取出細研以絹羅至細磁合內盛依法用之此藥便是

療金瘡花藥石散尋常人自宜時時收蓄防急

一親戚婦人產後胞衣不下血漲迷悶不省人事告之曰死矣予曰此血脹也可用花藥石散救之因以一錢童便調灌下即甦其胎衣與惡水旋即下而無恙

芩藟散

治胎衣不下

治胎衣不下

治胎衣不下

芎藭

當歸 焙各半兩

榆白皮 壹兩

為細末每服貳錢食前用生地黄汁同溫酒調下必効方牛膝湯 治胎衣不出臍腹堅脹急痛即殺入服此藥胞即爛下死胎

牛膝

瞿麥 各肆兩

當歸 叁兩

通草 陸兩

滑石 捌兩

葵子 伍兩

右細切以水玖升煮取叁升分叁服若衣不下腹滿即殺入宜服此藥衣即爛出也

牛膝散 治妊娠五六月墮胎胞衣不出

牛膝

川芎

朴硝

蒲黃 各柒錢半

桂心 半兩

當歸 壹兩半

右為粗末每服四錢水壹盞薑叁片生地黄壹分煎至陸分去滓溫頻服

千金備急丹 治產後惡血衝心胎衣不下腹中血塊以錦紋大黃壹兩為細末用醞醋半升同煎如膏丸如桐子大溫醋湯吞伍丸或柒丸須臾惡血即下愈

保命治胎衣不下或子死腹中或血衝上昏悶或血暴下及胎乾不能生產半夏湯主之 方見前

下胎丸

半夏

白欬各半

右細末，丸如桐子，大食後，半夏湯下，參拾丸，漸加至伍拾丸，如未効者，須廣大其藥，榆白皮散主之，又不効，用大聖散主之，有宿熱者，宜服人參荊芥散。

治胞衣不出，若腹脹，則殺入，黑豆壹合炒令熟，右入

醋壹盞，煎參伍沸，去豆，分為三服，酒者亦可。

必効方 治胎衣不下，服蒲黃如棗大集驗千金崔氏方並同

又方 生地黄汁壹升，苦酒壹合，煖服之。

又方 牛膝兩，葵子壹合，杵碎，以水壹盞半，煎至壹盞。

去滓分二服

廣濟治胎衣不出方

以竈突中土三指撮，以水服之集驗千金備急同

又方 伏龍肝一大塊，用好醋調，令相合，納臍中，續煎生甘草湯三四合服。

又方 醋湯飲之出。

又方 雞子壹枚，苦酒壹合，和飲之，立出。

延年方 治胎衣不出，腹脹，則殺入。

吞雞子黃三箇，仍解髮刺喉中，令嘔，即出，若困極，以水煮螻蛄壹枚，二十沸，灌入口，汁下，即出崔氏同

救急方 赤小豆男赤粒女拾肆粒 東流順水吞下
療胞衣不下方

菰蘆實壹箇

取子研

右酒童便各半盞相和煎至

未分去滓温服

如無實根亦得

又方

紅花

壹兩

酒煮濃汁服

又方

以鹿角鏟屑研細參分者蔥白湯調下

凡欲產時必先脫常所著衣以籠竈胞衣自下仍易產

廣濟方

取夫單衣蓋井上立出

又方

取產母鞋底火炙熟熨小腹上下二十七次

又方

取路傍破草鞋前截連鼻燒灰童便和酒調下

又方

皂角刺燒為末每服壹錢温酒調下

寶慶方云婦人百病莫甚於生產產科之難臨產莫重於催生既產莫甚於胞衣不下惟有花藥石散一藥最為緊要如黑神散琥珀散諸方之類雖皆有驗然鄉居或遠於藥局倉卒之間無法可施今有一妙法若產訖胞衣不下停待稍久非特產母疲倦又且血流入胞中為血所脹上衝心胸喘急疼痛必致危篤若有此證宜急斷臍帶以少物繫墜以物繫墜之時切宜用心

先繫然後截斷不爾使其子血脉不潮入胞中則胞則胞上掩心而死衣自當痿縮而下縱淹延數日亦不害人只要產母心懷安泰終自下矣累試有驗不可輕信坐婆安用手法多有因此而亡者慎之慎之

針灸胞衣不下

三陰交

中極

各瀉

標幽又法

照海

內關

甲女子字難若胞不出崑崙主之

血暈

厥逆附

金匱問曰新產婦人有二病一者病瘧二者病鬱冒三者大便難何謂也師曰新產血虛多汗出喜中風故令病瘧亡血復汗寒多故令鬱冒亡津液胃燥故大便難按產婦鬱冒即今世所謂血暈也
產後血暈者由敗血流入肝經眼黑花頭自旋暈不能起坐甚致昏悶不省人事謂之血暈細酒調黑神散最佳庸醫或作暗風中風治之凡暈血熱乘虛逆上湊心故昏迷不省氣閉欲絕是也然其由有二有用心使力過多而暈有下血多而暈有下血少而暈

產後血暈

大甲五

五

其暈雖同治之則異當詳審之下血多而暈者但昏悶煩亂而已當以補血清心藥下血少而暈者乃惡露不下上搶於心心下滿急神昏口噤絕不知人當以破血行血藥古法有云產婦纔分娩訖預燒秤錘或黃石子硬炭燒令通赤置器中急於床前以醋沃之得醋氣可除血暈產後一月時作為妙崔氏云凡暈者皆是虛熱血氣奔送腹中空所致欲分娩者第一須先取醃醋以塗口鼻仍置醋於傍使聞其氣薰細細飲之此為上法如覺暈即以醋噴面甦來即飲醋仍少與解之與水解之一法燒乾漆令煙濃熏產

母面即醒如無乾漆取舊漆郭稽中論曰產後血暈者何荅曰產後氣血暴虛未得安靜血隨氣上迷亂心神故眼前生花極甚者令人悶絕不知入口噤神昏氣冷醫者不識呼為暗風若作此治之病必難愈但服清菟散即省薛產後元氣虧損惡露乘虛上攻眼花頭暈或心下滿悶神昏口噤或痰壅盛者急用失笑散主之若血下多而暈或神昏煩亂者大劑芎歸湯補之或芫薺子散或童子小便有痰加二陳湯若因勞心力而致者宜補中益氣湯加香附若因氣血虛極不省人事用清魂散繼以芎歸湯及大

補氣血之劑凡產可用醋漆器熏或用半夏末冷水和丸入鼻孔中並無前患丹溪先生云血暈因氣血俱虛痰火泛上宜以二陳導痰或加減朱砂安神丸以麥門冬湯下亦可大凡產後口眼喎斜等證當大補氣血為主而兼以治痰若脾胃虛而不能固者用六君子湯至五七個月當服安胎飲至八九個月再加腹皮黃楊腦如臨產時更宜服保生無憂散庶無前患 家人婦產後小腹作痛忽牙關緊急灌以失笑散良久而甦又用四物加炮薑白朮陳皮而愈 一產婦兩手麻木服愈風丹天麻丸遍身皆麻神

思倦怠瞽熱作渴自汗盜汗此氣血俱虛也用十全大補加炮薑數劑諸證悉退却去炮薑又數劑而愈但內熱此血虛也用逍遙散而痊 一婦八月胎下墜或動面黃體倦飲食少思此脾氣虛弱用補中益氣湯倍白朮加蘇梗三十餘劑而安產後眩暈胸滿咳嗽用四物加茯苓半夏桔梗而愈 一產婦因產飲酒惡露甚多患血暈口出酒氣此血得酒熱而妄行虛而作暈也以佛手散加乾葛二錢一劑而痊酒性慄悍入月及產後不宜飲恐致前證產室人衆喧嚷氣熱亦致此證 丹溪治一婦面白形長心鬱半

夜生產侵晨暈厥急灸氣海十五壯而甦後以參朮
等藥服兩月而安此陽虛也 奉化陸巖治新昌徐
氏婦病產後暴死但胸膈微熱陸診之曰此血悶也
用紅花數十斤以大鍋煮之候湯沸以木桶盛之將
病者寢其上熏之湯氣微復加之有頃婦人指動半
日遂甦此與許胤宗治王太后之意同

表 清魂散

澤蘭葉 人參 各貳錢半 川芎 半兩
荆芥 兩 一方有甘草 貳錢
右為末用溫酒熱湯各半盞調壹錢急灌之下咽

眼即開氣定即醒

保命荆芥散 治產後風虛血暈精神昏昧

荆芥 壹兩 桃仁 炒伍錢
右細末熟水下參錢微喘加杏仁 炒 甘草各參錢
衍義治產後血暈用荆芥穗為末童便調下貳參錢
極妙 產後血暈身癢直戴眼口角與目外眇向
上牽急不知人取雞子壹枚去殼取清以荆芥末
貳錢調服遂仍依次調治若無他疾則不須治甚
為敏捷
右荆芥例氣虛人不可服

產後 婦科五

表

來甦散 治臨產用力太過氣血暈悶不省人事

木香 不見火

神麴 炒

陳皮 土白

白芍藥

阿膠 炒 蛤粉

麥蘖 炒

黃芪 去蘆

生薑 炒黑 各壹錢

糯米 壹撮

苧根 洗淨 壹錢半

甘草 炙半錢

右作一服水貳鍾煎至壹鍾幹開口灌下連進為愈

芎歸湯 治產後去血過多血暈不省

川芎

當歸 各等分

右作一服水貳鍾煎至壹鍾食前服腹中刺痛加

下血 多而 暈者 宜補 血

又白芍藥口乾煩渴加烏梅麥門冬發寒熱加白芍藥水停心下加茯苓生薑虛煩不得眠加人參竹葉

芎歸加芍藥湯治產後去血過多而暈方見產後 血不止 保命集治產後血暈危困

生地黄汁 壹大 蓋 當歸

赤芍藥 各貳錢 半割

右水煎參五沸溫服如覺煩熱去當歸入童子小便半盞服之

廣濟治產後血暈心悶不識入神言鬼語氣急欲絕芍藥 甘草 各壹 兩 丹參 柴錢半 並為咬咀

產後 血暈

女科五

二十一

生地黄汁壹升 生薑汁 白蜜各叁合
右水貳升先煎前藥取捌合下二汁及蜜和勻分兩服

梅師治產後餘血攻心或下血不止心悶面青身冷氣欲絕新羊血壹盞飲之妙日三服

產後忽冒悶汗出不識人者暴虛故也破雞子叁枚吞之便醒若未醒可與童便壹升甚驗 若產後去血多者又增此疾與雞子不醒者可急作竹瀝汁一服伍合須臾不定再與五合頻與叁五服瘥人參汁又方 松烟墨貳錢燒通紅罈滅為末温酒或醋湯

下血少而血暈者
血行破者

調服半七

丹婦人產後血暈此乃虛火載血漸漸暈將上來用鹿角燒灰出火毒研極細用好酒童便調灌下一呷即醒此物行血極效

獨行散 治產後血暈昏迷不省衝心悶絕

五靈脂貳兩半 生半炒

右為細末每服貳錢温酒調下口噤者拘開口灌之入喉即愈一方加荆芥為末童便調服如血崩不止加當歸酒童便煎不拘時服

治下胎或產後血上衝心已死用鬱金燒存性為末

貳錢醋壹合調灌之立活

產後血暈心悶氣絕紅花壹兩搗為末分作二服酒貳

鍾煎取壹鍾併服如口噤幹開灌之効一方用

紅花參兩新者無灰酒童便各半升煮取壹盞服

肘後治血暈蘇木細剉參兩水五升煮取貳升分再服

瘥無蘇木取緋衣煮汁飲之亦得

聖惠治產後血暈不知入及狂語麒麟竭壹兩細研為末

時以温酒調下貳錢匕

奪命散治產後血暈血入心經語言顛倒健忘失

志及產後百病

沒藥

血竭各等分

右研細為末纔產下便用童便細酒各半盞煎一

兩沸調下貳錢良久再服其惡血自循下行更不

衝上免生百疾專治婦人方只用白湯調五羊

洪運使子舍孺人產後語言顛倒謔語不已如有

神靈服諸藥無効召陳診之六脉和平陳以此藥

兩服愈

紅花散命保治產後血昏血暈血崩及月事不勻遠

年乾血氣

乾荷葉

牡丹皮

川當歸

紅花

蒲黃

炒各等分

右細末每半兩酒煎和查溫服如胎衣不下榆白

皮湯調半兩

右破血輕劑

牡丹散因三治產後血暈悶絕口噤則斡開口灌之

牡丹皮

大黃

煨

芒硝

各壹兩

冬瓜子

半合

桃仁

叁拾粒去皮尖

右剉每服伍錢水叁鍾煎壹鍾半去滓入硝又煎

分二服

產書治產後心煩手脚煩熱氣力欲盡血暈連心頭

硬及寒熱不禁接骨木破之如筭子壹握以冰壹

升煎取半升分溫二服或小便數惡血不止服之

即差此木煎三遍其方一般此是起死之方

右重劑血點滴不出者宜用

花藥石散治產後氣欲絕惡血奔心欲死者但以

童便調壹錢服之取胞衣下下惡物為妙

黑神散治產後血暈用細酒調服佳產後通用方

右方寒多者用之

治產後血暈心悶亂恍忽如見鬼

生益母草汁

叁合如無根亦可

生地黄汁

貳合

童便

壹合

雞子清

叁枚

右以前三味煎三四沸後入雞子清攪停作一服
治產後血暈狂語不識人狂亂

童便

貳合

生地黄汁

壹合

赤馬通

柒枚

紅雪

捌分

右以上二味浸赤馬通絞去滓下紅雪溫為兩服
右方熱多者用之

仲景云產婦鬱冒其脉微弱不能食大便反堅但頭
汗出所以然者血虛而厥厥而必冒冒家欲解必大
汗出以血虛下厥孤陽上出故頭汗出所以產婦喜

新方

汗出者亡陰血虛陽氣獨盛故當汗出陰陽乃復大
便堅嘔不能食小柴胡湯主之病解能食七八日更
發熱者此為胃實大承氣湯主之 今按鬱冒即暈
也觀此則產後血暈有汗下和解二法當分表裏虛
實精而別之

張氏方治產後血暈全不省人事極危殆者

右切韭菜入有嘴磁瓶內煎熱醋沃之便密紮瓶
口以瓶嘴向產婦鼻孔令醋氣透入須先扶病人
起坐惡血衝心故有此證韭能去心之滯血加以
醋氣運達之用無不效 又方半夏洗不以多少

為末丸如大豆內鼻中即甦亦療五絕

治胎後血上衝心生薑五片切以水捌升煮取叁升

分三服

崔氏療產乳暈絕方以洗兒水飲叁合良 或惡血

服少許良

醋墨產後通用方

針灸摘產後血暈不省人事 三里 支溝 三陰

交心術無此穴

標幽又法 陰交 陽別

世又法 神門 內關不應取 關元灸

產後手足厥逆者并主之 一婦人產後日食

茶粥二十餘碗至一月後遍身冰冷數塊人以指按

其冷處即冷從指下上應至心如是者二年諸治不

効以八物湯去地黃加橘紅入薑汁竹瀝一酒鍾十

服乃温

血不下

因夫惡露不下者由產後臟腑勞傷氣血虛損或胞絡挾於宿冷或產後當風取涼風冷乘虛而搏於血血則壅滯不宜積蓄在內故令惡露不下也 薛前症若惡露不下用失笑散見後心痛若氣滯血凝用花藥石散胞衣不下一產婦患前證服峻厲之劑惡露隨下久而昏憤以手護其腹余曰此脾氣復傷作痛故用手護也以人參理中湯加肉桂一劑補之而愈 太全療產後三四日惡露不下

芍藥 拾分

知母 捌分

生薑

當歸

蒲黃 各肆分

紅花 貳分

荷葉中心蒂 柒枚

生地黄汁 貳合

右細切以水貳升煎至柒合去滓服

荷葉散 療產後惡露不下腹中疼痛心神煩悶

乾荷葉 貳兩 鬼箭羽 桃仁

劉寄奴 蒲黃 各壹兩

右為粗末每服參錢以童便壹大盞薑貳片生地

黃壹分搥碎同煎至陸分去滓無時熱服

廣濟療產後惡露不多下方

川牛膝 牡丹皮 大黃 各貳兩

當歸 芍藥 蒲黃

本車桂心 各壹兩 右為末以生地黄汁調酒服方寸七日一服血下

愈

沒藥丸 治產後惡露方行而忽然斷絕驟作寒熱

臍腹百脉皆痛如錐刺非常此由冷熱不調或思

慮動作氣所擁遏血畜經絡

當歸 壹兩 桂心 芍藥 各半兩

桃仁 去皮尖 沒藥 研各貳錢半 蜩虫 去足翅

水蛭 炒焦各參拾枚

右為末醋糊丸如豌豆大醋湯下參丸

千金備急丹見胞衣不下

保命治婦人惡血不下

當歸炒 芫花炒等分

右為細末每服參錢酒下又方用好墨醋焙末

以童便酒下妙

梅師治產後血不下蒲黃參兩水參升煮取壹升頓

服

本事方治產後血不下益母草搗絞汁每服壹小鍾

入酒壹合攪勻溫服

千金治產後血不去麻子伍升酒壹升浸一宿明日

去查溫服壹升不瘥再服壹升不吐不下不得與

男子通一月將養如初瘥

黑龍丸見通用方內

生料五積散治產後惡露不快腹中疼痛或腹內

有塊及發寒熱並加醋少許煎通口服亦能療血

崩

血不止

大夫產後惡露不絕者由產後傷於經血虛損不足或分解之時惡血不盡在於腹中而臟腑挾於宿冷致氣血不調故令惡露淋漓不絕也薛前證若肝氣熱而不能生血用六味地黄丸若肝氣虛不能藏血用逍遙散若脾氣虛而不能攝血用六君子湯胃氣下陷而不能統血用補中益氣湯若脾經鬱熱而血不歸源用加味歸脾湯若肝經怒火而血妄行用加味四物湯若氣血俱虛用十全大補湯若肝經風邪而血沸騰用一味防風丸一產婦惡露淋漓體

虛

倦面黃食少惡寒晝夜不寐驚悸汗出此脾經虛熱用加味歸脾湯而痊後因怒脇脹作嘔少食用六君加柴胡治之而痊

芎歸加芍藥湯

治產後血崩眩暈不知人事

川芎

當歸

芍藥各等分

右咬咀每服肆錢以水壹鍾半煎至米分去滓無時熱服

雲岐治產後血崩如豆汁紫黑過多者四物湯加蒲

黃生地黃汁阿膠薊根艾白芷煎服

療產後七八日惡露不止

虛中
清寒

敗醬艸

當歸各陸分

芍藥

續斷各捌分

川芎

竹茹各肆分

生地黄炒乾拾貳分

右細剉以水貳升煮取捌合空心頓服

丹二七孺人產後冒寒哭多血再下身腫脉沉

當歸

白朮

陳皮

川芎

乾薑

黃芩各貳錢

芍藥壹錢

炙甘草少許

右分二貼水煎服

王孺人因憂慮墮胎後兩月餘血不止腹痛此體虛

虛中
有滯

產後血不止

女科五

三十一

氣滯惡物行不盡

陳皮 壹錢

白朮 貳錢

芍藥 壹錢

木通

川芎 伍分

甘草 貳分

作湯下五芝丸陸拾粒食前

熱者清之

獨聖湯

療產後亡血過多心腹徹痛然後血下久

而不止亦治赤白帶下年深諸藥不能療者良驗

貫衆

狀如刺蝟者壹个全用只揉去毛花蔓用之不到斷

右用好醋蘸濕慢火炙令香熟候冷為細末用米

飲調下貳錢空心食前服

陷下者舉之

千金治產後惡血不盡或經月或半歲者并麻參兩

脫者澀之

清酒五升煮取貳升半分溫再服

牡蠣散

治產後惡露淋瀝不絕心悶短氣四肢乏

弱頭目昏重煩熱不思飲食面黃體瘦

牡蠣 煨

川芎

熟地黄

白茯苓

龍骨 各壹兩

續斷

當歸

艾葉 酒炒

人參

五味子

地榆 各半兩

甘草 貳錢 半

右為末每服貳錢水壹中盞生薑叁片棗壹枚煎至陸分去滓食前服

汚血

產書產後猶有餘血水氣者宜服豆淋酒黑豆伍升

產後血不止

女科五

三十一

熬令烟盡於磁器內以酒壹斗燂之蓋豆淋酒治
汚血又能發表也

治產後惡血不絕崩血不可禁腹中絞痛氣息急治
蓐中三十六疾廣濟方

亂髮燒壹兩

阿膠貳兩

代赭石

乾薑各叁兩

馬蹄殼壹枚燒

乾地黄肆兩

牛角鯁伍兩酥炙

右為細末煉蜜丸如梧桐子大每服叁肆拾九空
心米飲下日二服

返魂丹見前胎產大法

文仲葛氏治惡露不絕方 以鋸截桑木取屑五指

撮酒服之

又方 炙桑白皮煮水飲之

祕錄治胎落下血不止以桑木中蠹蟲燒末酒服方
寸匕日二服

療產後泄血不止無禁度及治腹痛胸膈悶以薑黃
為末酒服方寸匕日三四服胡氏云薑黃治惡露不止

療產後血不止虛羸迫死亦治血氣蒲黃貳兩水貳
升煎八合頓服

心痛

大全產後心痛為陰血虧損隨火上衝心絡名曰心胞絡痛宜大岩蜜湯治之若寒傷心經名曰真心痛朝發夕死夕發朝死無藥可救 薛前證若陽氣虛寒用岩蜜湯溫之瘀血上衝用失笑散散之血既散而痛仍作用八珍湯補之大凡心腹作痛以手按之却不痛此血虛也須用補養之劑 一產婦患前證昏憤口禁冷汗不止手足厥逆用六君子加附子壹錢以迴其陽一劑頓甦又以十全大補湯養其血氣而安 一產婦患前證手不敢近腹用失笑散一服

產後心痛

女科十五

三十三

產後心痛

三十三

下瘀血而愈次日復痛亦用前藥而安一產婦患
前證用大黃等藥其血雖下復患頭痛發熱惡寒次
日昏憤自以兩手堅護其腹不得診脈視其面色青
白余謂脾氣虛寒而痛也用六君子湯加薑桂而痛
止又用八珍湯加薑桂調理而安
七氣手拈散 治產後心氣攻痛

玄胡索

小懷香

白芍藥

乾漆炒

枳殼各貳錢

黃連

石菖蒲

香附子

蘇葉各壹錢半

沒藥

乳香各壹錢

甘草陸分

右剉散分作一十服每服用水壹盞半薑參片煎至
柒分空心服

大岩蜜湯

生乾地黄

當歸

獨活

吳茱萸

芍藥

乾薑

甘艸

桂心

小草各壹兩

細辛半兩

右為散每服半兩水參盞煎至壹盞去滓稍熱服
評曰產後心痛雖非產蓐常疾痛或有九痛未必
便是血痛設是岩蜜湯豈可用熟地黄熟地黃泥

血安能去痛此方本出千金用生乾地黄吳茱萸
一升合準五兩乾薑三兩細辛治停寒在下焦方
本一兩却減半兩制奇制耦量病淺深自有品數
不可妄意加減然以岩蜜湯治血痛不若失笑散
更捷

失笑散 治心腹痛欲死百藥不効服此頓愈此方與紫

金九大大
同小異

五靈脂

蒲黃各等分

右為末先用醎醋調貳錢熬膏入水膏盡煎藥
分食前熱服良驗

經心錄蜀椒湯 療產後心痛此太寒所為

蜀椒貳合

芍藥參兩

半夏

當歸

桂心

人參

甘草

茯苓各貳兩

生薑汁伍合

蜜壹升

右切以米玖升煮椒令沸下諸藥煮取參升半去
滓下薑汁及蜜更煎取參升服伍合至陸合

火龍散亦治產後心痛方見胎前心痛

治產後血不盡心腹痛荷葉熬令香為末水煎下方
寸匕

聖惠治產後惡血衝心痛氣悶欲絕用桂心參兩搗
羅為散狗膽汁和丸如櫻桃大不拘時候熱酒磨
下貳丸

玄胡索散

手拈散俱心痛

甘草
當歸
芎藭
赤芍
白芍
川芎
熟地
人參
白朮
茯苓
桂枝
芍藥
大黃
芒硝
枳實
厚朴
木香
香附
延胡
蘇合
安息
乳香
沒藥
阿膠
龜板
鱉甲
虎骨
狗寶
熊膽
猴棗
鹿茸
麝香
冰片
蘇合
安息
乳香
沒藥
阿膠
龜板
鱉甲
虎骨
狗寶
熊膽
猴棗
鹿茸
麝香
冰片

腹痛

產後小腹作痛俗名兒枕塊用失笑散行散之若
惡露既去而仍痛用四神散調補之若不應用八珍
湯若痛而惡心或欲作嘔用六君子湯若痛而泄瀉
用六君子湯送四神丸若泄瀉痛而或後重用補中
益氣湯送四神丸若胸膈飽脹或惡食吞酸或腹痛
手不可按此是飲食所致當用二陳加山查白朮以
消導若食既消而仍痛或按之不痛或更加頭痛煩
熱作渴惡寒欲嘔等證此是中氣被傷宜補脾胃為
主若發熱腹痛按之痛甚不惡食不吞酸此是瘀血

產後腹痛

停滯用失笑散以消之若止是發熱頭痛或兼腹痛按之却不痛此是血虛用四物加炮薑參朮以補之病機要云胎產之病從厥陰經論之無犯胃氣及上中二焦為之三禁不可汗不可下不可利小便發汗者同傷寒下早之證利大便則脈數而已動於脾利小便則內亡津液胃中枯燥製藥之法能不犯三禁則榮衛自和而寒熱止矣如發渴用白虎氣弱用黃芪血刺痛則用當歸腹中痛則加芍藥宜詳察脈證而用之丹溪先生云產後當大補氣血為先雖有雜證從未治之一切病多是血虛皆不可發表一產

婦腹痛發熱氣口脈大余以為飲食停滯不信乃破血補虛反寒熱頭痛嘔吐涎沫又用降火化痰理氣四肢逆冷泄瀉下墜始悔問余曰何也余曰此脾胃虛之變症也法當溫補遂用六君加炮薑貳錢肉桂木香各壹錢四劑諸證悉退再用補中益氣之劑元氣悉復一婦人產後腹痛後重去痢無度形體倦怠飲食不甘懷抱久鬱患爾唇寐而盜汗如雨竟夜不敢寐神思消燦余曰氣血虛而有熱用當歸六黃湯內黃芩連檉炒黑一劑汗頓止再劑全止乃用歸脾湯八珍散兼服元氣漸復而愈一產婦小腹作

痛服行氣破血之藥不效其脈洪數此瘀血內潰為膿也以瓜子仁湯一劑痛止更以大乙膏下膿而愈產後多有此病縱非癰用之更效一產婦小腹痛小便不利用薏苡仁湯一劑痛止更以四物加紅花桃仁下瘀血而愈大抵此證皆因榮衛不調或瘀血停滯所致若脈洪數已有膿脈但數微有膿脈遲緊乃瘀血下之即愈若腹脹大轉側作水聲或膿從臍出或從大便出宜用蠟礬丸太乙膏及托裏藥一產婦小腹作痛有塊脈芤而澹以四物加玄胡紅花桃仁牛膝木香治之而愈一婦產後小腹患痛服

瓜子仁湯下瘀血而痊凡瘀血停滯宜急治之緩則腐化為膿最難治療若流注關節則患骨疽失治多為敗證一婦人寒月中產後腹大痛覺有塊百方不治一人教以羊肉肆兩熟地黄貳兩生薑膏兩水煎服之二三次愈

院枕
大兒枕者由母胎中宿有血塊因產時其血破散與兒俱下則無患也若產婦臟腑風冷使血凝滯在於小腹不能流通則令結聚疼痛名之曰兒枕也

延胡索散

治產後兒枕腹痛

延胡索

當歸各壹兩

真琥珀

敗血
拔寒

蒲黃炒各貳錢半
紅藍花貳錢

赤芍藥半兩

桂心半兩

右為細末以童便合酒溫溫調參錢食前服
療新產後七八日腹痛兩脇痛

當歸

劉寄奴

苦梗各拾貳分

延胡索別為末

桂心

陳皮各肆分

茯苓

芍藥各捌分

右以咀以水貳升煮取捌合調延胡索末空心服
療先患冷氣因產後發腹痛

川芎

桂心

當歸

吳茱萸

茯苓

芍藥

甘草各陸分

桃仁拾分

挾熱

丹產後二三日血塊痛發熱

右以咀以水柒升煮取貳升去滓分參服

五靈脂畧炒

牡丹皮

沒藥

滑石

右研細分五貼豆淋酒調下之食前
馮宅產後發熱腹中痛有塊自汗惡寒曾服黑神散

白朮

芍藥叁錢

滑石伍錢

黃芩

牡丹皮各貳錢半

人參

產後腹痛

女中

三五

川芎

荆芥

當歸尾

乾薑各壹錢

陳皮

甘草少許

治血痕痛無定處

童便叁升

生地黄汁

生藕汁各壹升

生薑汁貳升

右先煎三味約三分減一次下薑汁慢火煎如稀

錫每取壹合溫酒調下

挾虛

黑神散

療產後血塊痛經脈行後腹疼并經脈不

調

熟地黄壹斤

陳生薑半斤

右二味同和炒乾為末每服貳錢用烏梅調下常

氣滯時之

汗血

清之

重劑

服酒調經脈不通烏梅荆芥酒調下

一方用山查濃煎汁入沙糖少許再煎熱服

治兒枕痛乃血痕也用真蒲黃研細調酒服貳錢如

躁渴者新汲水調下又方隔年蟹殼燒灰酒調下

治產後兒枕太痛黑白散

烏金石

醋煨赤

寒水石

煨在性

右各收之痛時各抄壹錢半米飲調下痛止勿服

未止再服

輕劑

海藏云四物加玄胡索沒藥白芷湯治產後敗血作

痛通治婦人諸疾

產後腹痛

女科

四

四物苦棟湯

雜病腹痛

一方治臍下痛不可忍四物湯

加玄胡索貳錢半服之

紫金丸治產後臍下痛即失笑散醋為丸是也立

効散治產枕痛不可忍用五靈脂慢火炒乾為末温

酒下貳錢立瘥

惡露不盡

金匱產後七八日無太陽證少腹堅痛此

惡露不盡不大便煩躁發熱切脉微實再倍發熱日

晡時煩躁者不食食則噦語至夜即愈宜大承氣湯

主之熱在裏結在膀胱也

大全產後惡血雖常通

行或因外感五邪內傷七氣故令斬然而止餘血壅

滯所下不盡故令腹痛當審其因而治之 一產婦

小腹痛甚牙關緊急此瘀血內停灌以失笑散下血

而甦又用四物加炮薑白朮陳皮而愈 一婦人經

水來比常度過多不止遂用瀉藥止之致腹作痛此

乃氣血凝滯也用失笑散二服而愈

地黄散 治產後惡血不盡腹中疼痛

生地黄炒

當歸各貳錢

生薑半兩切如

丸上焙

右為細末每服貳錢空心薑酒調下

當歸血竭丸

治婦人產後惡露不下結聚成塊心

胸痞悶及臍下堅痛

當歸

血竭

芍藥

蓬朮

炮各 貳兩

五靈脂

肆兩

右為細末醋糊和丸如梧桐子大每服五拾丸食前温酒送下

温隱居澤蘭湯

治產後惡露不盡腹痛往來兼胸

滿少氣

澤蘭

熬

生乾地黄

當歸

芍藥

壹兩

生薑

細切蠅頭大新瓦上炒焦各貳兩半

甘草

壹兩半

大棗

拾肆枚

細切水玖升煮參升分三服欲死塗身得瘥

卷荷散

治產後血上衝心血刺血暈血氣腹痛惡露不快

卷荷

初出水者

紅花

當歸

蒲黃

隔紙炒

牡丹皮

各半兩

右為細末每服貳錢空心鹽酒調下一臘內童子

小便調

又方產後下血不盡腹內堅痛不可忍

當歸

芍藥

桂心

各叁兩

桃仁

壹百貳拾粒製

產後腹痛

女科

四三

右水陸升者貳升温分兩服未差加大黃
又方產後血結下不盡腹中絞痛不止

大黃 別浸

生乾地黄

當歸 各拾分

川芎

桂心

芍藥 各捌分

甘草

黃芩 各陸分

桃仁 肆拾玖粒製

細切水柒升煮貳升半入大黃煎三沸分温三服
又產後血下不盡腹中痛無計

青木香

當歸

牛膝

川芎

黃芪

芍藥 各捌分

大黃

拾叁分浸 芒硝 拾貳分

細切水柒升煮貳升半入大黃更三沸分三服
又產後惡露不盡結聚小腹疼痛

當歸

柒錢半

製香附子

壹兩 琥珀

沒藥

青皮

赤芍藥

木香

桂心 各半兩

右為細末以烏豆淋酒調貳錢
產寶治產後餘血作疼兼塊者

桂心

薑黃

各等分

酒調方寸匕血下盡妙

產乳方芸臺散 產後惡露不盡血結刺痛名血母
塊兼治心腹諸疾

產後腹痛

芸薹子

炒 隔紙

當歸

桂心

赤芍藥

各等分

細末酒調貳錢產後可常服

黑神散治產後惡露不盡心胸痞悶臍腹撮痛汚血

諸疾產後通

丹治產後惡露未盡小腹作痛

五靈脂末

香附末

右合和醋為丸甚者加留尖桃仁壹方加

救急療惡露不盡腹脹痛取亂髮如雞子大灰水

洗垢淨燒存性末之酒調服貳錢

又療產後血不盡心腹痛悶方取荷葉燒灰存性

熱湯和服煮取汁飲之亦良

又方以鐵秤錘壹枚燒赤投酒中酒准伍升用此酒煮

當歸參兩取貳升去滓分溫再服千金同一方無

當歸

大全以惡露不盡腹痛及兒枕心腹刺痛小腹疼痛

寒疝分為四門由母胎中宿有血塊產後不與兒俱

下而仍在腹作痛謂之兒枕其惡露下不快而作痛

者胎中原無積聚不為兒枕也若惡露已盡或由它

故腹痛如仲景枳實芍藥散證或由血虛腹痛如仲

景當歸生薑羊肉湯證自當別論故復臚列諸名方

於後若服枳實芍藥散不愈仍當求責瘀血也故下
瘀血湯諸方附焉而補虛諸方終之不復立寒疝條
金匱云產後腹痛煩滿不得卧枳實芍藥散主之
枳實芍藥散方

枳實

燒令黑勿太過

芍藥

各等分

右二味杵為散服方寸匕日三服并主癰膿以麥
粥下之

薛前證若因氣滯用延胡索散若因外寒用五積
散若因怒氣用四物加木香柴胡若因血虛用四
物參朮炮薑若因陽氣虛弱用四君當歸炮薑若

因脾虛血弱用六君當歸炮薑治之

一產婦患

前證或作嘔或昏憤此脾氣虛寒用人參理中湯
漸愈又以補中益氣湯加茯苓半夏全愈後復作
痛而兼喘仍用補中益氣湯培補脾肺而瘥
師曰產婦腹痛法當以枳實芍藥散假令不愈者此
為腹中有乾血着臍下宜下瘀血湯主之

下瘀血湯方

大黃

貳兩

桃仁

貳拾枚

蟅蟲

貳拾枚
熬去足

右三味末之煉蜜和為肆丸以酒壹升煎壹丸取
捌合頓服之新血下如豚肝

峻劑

產後 女科 五

保命方治血暈血結或聚於胸中或偏於小腹或連於脇肋四物湯四兩倍當歸川芎加鬼箭羽紅花玄胡各壹兩同為粗末加下四味煎調沒藥散服

蟲虫 壹錢去翅足炒 水蛭 壹錢炒 麝香 少許

沒藥

右為末入前藥調服血下痛止只服一服

千金桃仁芍藥湯 治產後腹痛

桃仁 半升 芍藥 川芎

當歸 桂心 乾漆 碎熬

甘草 各貳兩 細切水捌升煮貳升半分三服

緩劑

延胡索散 治產後臍下痛

延胡索 桂心 各半兩 當歸 壹兩

右為細末熱酒調下貳錢

香桂散 治產後臍下疼痛不止

川芎 當歸 各貳錢半 桂心 半兩

右為細末分為三服每服酒壹錢煎三五沸更入童便少許煎至柒分溫服甚者不過再服即瘥

又方

金底墨 醋炒 延胡索 劉寄奴

桂心 菴間子

產後腹痛 女科 五

右等分爲末熱酒調下貳錢

紫金丸

治產後惡露不快腰痛小腹如刺時作寒

熱頭痛不思飲食亦治久有瘀血月水不調黃瘦

不思飲食並能治之亦可療心痛與失笑散同

五靈脂

水淘去砂石焙乾秤炒爲末

真蒲黃

右以好米醋調五靈脂慢火熬成膏次以蒲黃末

搜和丸如櫻桃大每服壹丸水與童便各半盞煎

至米分令藥化溫服之少頃再服惡露即下久

有瘀血成塊月信不利者並用酒磨下

當歸養血丸

治產後惡血不散發渴心腹疼痛及

惡露不快臍下急痛連及腰脚疼痛

當歸

赤芍藥

牡丹皮

延胡索 各貳兩 桂心 壹兩

爲末煉蜜丸梧子大空心酒下參肆拾丸痛甚者

細嚼下

溫補

金匱產後腹中疝痛當歸生薑羊肉湯主之并治腹

中寒亦虛勞不足

當歸生薑羊肉湯

當歸

參兩

生薑

伍兩

羊肉

壹斤

右三味以水捌升煮取叁升溫服柒合日三服若

產後腹痛

女科五

四七

寒多者加生薑成壹斤痛多而嘔者加橘皮 白
朮 加生薑者亦加水伍升煮取叁升貳合服之
衍一婦人產當寒月寒氣入產門臍下脹滿手不得
犯此寒疝也醫將治之以抵當湯謂其有瘀血也予
教之曰非其治也可服張仲景羊肉湯少減作二服
遂愈

產後六七日忽然臍腹痛皆由呼吸之間冷氣乘虛
而入宜服當歸建中湯四順理中丸共研再丸作小
丸飯飲吞下極妙

仲景內補當歸建中湯治婦人產後虛羸不足腹中

刺痛不止吸吸少氣或苦少腹中急痛引腰背不
能飲食產後一月日得服四五劑為善令人強壯

當歸 肆兩

桂枝 叁兩

芍藥 陸兩

生薑 叁兩

甘草 貳兩

大棗 拾貳枚

右六味以水壹斗煮取叁升分温三服一日令盡
若大虛加飴糖陸兩湯成內於火上煖令飴消若
去血過多崩傷內衄不止加地黃陸兩阿膠貳兩
合八味湯成內阿膠服之

濟生增損四物湯 治產後陰陽不和乍寒乍熱惡
露停滯亦令寒熱但看小腹急痛為異

產後腹痛

女科五

卷八

當歸 酒浸

白芍藥

川芎

人參 各壹兩

甘草 炙半兩

乾薑 壹兩

右咬咀每服肆錢薑參片水煎無時熱服

千金治產後餘疾腹中絞痛瘦之不下食

當歸

黃芪

芍藥 各陸分

乾地黄

白朮 各捌分

桂心

甘草 各肆分

大棗 拾肆枚

右咬咀水貳升煮取捌合空心服忌生葱

丹溪云局方五積散治產後餘血作痛以蒼朮為君

麻黃為臣厚朴枳實為使雖有當歸芍藥之補血僅

藥忌

及蒼朮三分之一不思產後之婦有何寒邪血氣未

充似難發汗借曰藥性溫和可以推陳致新豈可用

麻黃之悍附以蒼朮枳朴之散乎虛而又虛禍不旋

踵矣

附腸中痒治婦人產後腸中痒不可忍以針線袋安

所卧褥下勿令人知 又方取箭筈及鏃安所卧席

下勿令婦知

產後兩脇脹滿氣痛由膀胱宿有停水因產後惡
 露下不盡水壅痞與氣相搏積在膀胱故令脇肋脹
 滿氣與水相激故令痛也 薛前證若肝經血瘀用
 玄胡索散若肝經氣滯用四君青皮柴胡若肝經血
 虛用四物參朮柴胡氣血俱虛用八珍柴胡若腎水
 不足不能生肝用六味丸若肺金勢盛尅制肝木用
 瀉白散仍參前各論主之 一產婦因怒兩脇脹痛
 吐血甚多發熱惡寒胸腹脹痛余以為氣血俱虛用
 八珍加柴胡丹皮炮薑而血頓止又用十全大補湯

脇脹痛

大產後兩脇脹滿氣痛由膀胱宿有停水因產後惡
 露下不盡水壅痞與氣相搏積在膀胱故令脇肋脹
 滿氣與水相激故令痛也 薛前證若肝經血瘀用
 玄胡索散若肝經氣滯用四君青皮柴胡若肝經血
 虛用四物參朮柴胡氣血俱虛用八珍柴胡若腎水
 不足不能生肝用六味丸若肺金勢盛尅制肝木用
 瀉白散仍參前各論主之 一產婦因怒兩脇脹痛
 吐血甚多發熱惡寒胸腹脹痛余以為氣血俱虛用
 八珍加柴胡丹皮炮薑而血頓止又用十全大補湯

而寒熱漸退此證苟非用薑桂辛溫助脾肺以行藥勢不惟無以施其功而反助其脹耳
經効療產後血氣脇肋脹痛

當歸 壹拾貳分

芍藥

苦梗

檳榔

枳殼 各捌分

桂心

青木香

柴胡 各陸分

右咬咀以水貳升煎取捌合去滓空心分溫貳服
療產後惡露不下血氣壅痞脇肋脹痛不下食

蘇木

紫葛 各拾貳分

芍藥

當歸 各捌分

桂心

蒲黃 各陸分

生地黄汁 參合

右咬咀以水貳升煎取柒合下蒲黃分兩服

當歸散 治產後腹痛脇肋脹滿

當歸

乾薑 等分

右為末每服參錢水壹盞煎捌分入鹽醋少許食前熱服 選奇方用酒煎

經効理血氣煩悶脇肋脹滿及痛

芍藥 捌分

蒲黃

延胡索 各肆分

當歸 陸分

荷葉蒂 炙叁枚

右水貳升煎取柒合後入蒲黃空心分作兩服

廣濟療產後腹痛氣脹脇下悶不下食兼微利

茯苓 人參 當歸

甘草 各陸分 生薑 陳皮 各肆分

厚朴 捌分

右哎咀以水貳升煎取捌合去滓分溫服

抵聖湯 治產後腹脇悶滿或嘔吐者

赤芍藥 半夏 澤蘭葉

陳皮 人參 甘草 等分

右哎咀每肆錢薑伍片煎溫服

腰痛

大腎主腰脚產後腰痛者為女人腎位繫於胞產則勞傷腎氣損動胞絡虛未平復而風冷客之冷氣乘腰故令腰痛也若寒冷邪氣連滯背脊則痛久未已後忽有娠必致損動蓋胞絡屬腎腎主腰故也 薛前證真氣虛邪乘之者用當歸黃芪湯或十全大補為主佐以寄生湯如不應全用十全大補加附子一產婦腰痛腹脹善噫諸藥皆嘔余以為脾虛血弱用白朮一味炒黃每劑一兩米泔煎時飲匙許四劑後漸安百餘劑而愈

產後腰痛

療產後風冷腰痛不可轉側四肢沉重行步艱難

獨活

川芎

芍藥炒黃

桂心

續斷

生薑

桑寄生

各陸分 當歸

防風 各捌分

右咬咀以水參升煮取壹升去滓空心分二服

千金大豆酒 療產後中風腰背強痛中風煩熱苦

渴頭身皆重此因風冷及傷寒所致

用大豆伍升炒以酒壹升投之密蓋令温去豆服

壹升日夜數服卧取微汗避風亦有加羌活服者亦佳

生料五積散加桃仁煎亦妙

汚血

保命治血癖腹乃刺刺腰痛用四物湯細末參兩加

酒煮玄胡索末貳兩每服參錢酒下

廣濟療產後虛冷血氣流入腰腿痛不可轉

敗醬

當歸 各捌分

川芎

桂心

芍藥 各陸分

右咬咀水貳升煮取捌合分温二服忌葱

救急療婦人產後餘血不盡血流入腰脚疼痛胸滿

氣急兩脇痛方

生薑 壹斤

淡竹葉 壹升切

右二味以水貳升煮取壹升去滓分温貳服

產後腰痛

女科五

生地黄湯濟廣 療產後二百患腰疼腹中餘血未盡
并手脚疼不下食

生地黄汁壹升 芍藥 甘草各貳兩

丹參肆兩 蜜壹合 生薑汁半合

右以冰參升煮取壹升去滓內地黃汁蜜薑汁微
火煎一兩沸一服參合日二夜三利一兩行中間
進食與藥更進服

如神湯方見腰痛

產後惡露方行忽然漸少斷絕不來腰中重痛下注
兩股痛如錐刀刺痛入骨中此由血滯於經絡不即

通之有大痛處必作癰疽宜桃仁湯恐作癰者預服
五香連翹湯

桃仁湯方

桃仁去皮 蘇木 生地黄各半兩

蜜虫去足炒 水蛭炒各叁拾枚

右為粗末每服叁錢水壹盞煎至陸分去滓溫服
無時惡露下即住服

五香連翹湯方一方有大黃壹兩

木香 沉香 丁香
乳香 麝香 升麻

獨活

桑寄生

連翹

木通

各貳兩共
為粗末

每服伍錢水貳盞煎壹盞去滓入竹瀝少許溫服
紫金丸治產後惡露不快腰痛小腹如刺寒熱腹痛
久有瘀血月水不調亦可治心痛左見前

虛

當歸黃耆湯

治產後腰痛不可轉側自汗壯熱身

體強氣短

黃耆

芍藥 各貳兩

當歸 叁兩

右剉每服肆錢薑肆片水煎溫服

頭痛

大夫人頭者諸陽之會也凡產後五臟皆虛胃氣虧
弱飲食不充穀氣尚乏則令虛熱陽氣不守上湊于
頭陽實陰虛則令頭痛也 又有產後敗血頭痛不
可不知黑龍丹言之甚詳 薛前證若中氣虛用補
中益氣湯加蔓荊子若血虛用四物加參朮血氣俱
虛用八珍湯若因風寒所傷用補中益氣湯加川芎
一產婦患頭痛日用補中益氣湯不缺已二年矣
稍勞則惡寒內熱為陽氣虛以前湯加附子壹錢數
劑不發 一婦人產後頭痛面青二年矣日服四物

等藥余謂腎水不能生肝木而血虛用六味丸加五味子兩月而痊

行氣

川芎散 治產後頭痛

真天台烏藥皮

大川芎 等分

右為細末每服參錢燒紅秤錘淬酒調服

行血

一奇散 治同前

取當歸川芎為細末每服貳錢水壹盞煎柒分溫服

芎附散

治產後敗血作梗頭痛諸藥不効者

大附子壹枚醢醋壹椀用火四畔炙透醮醋令盡

去皮臍加川芎壹兩並為末每服壹錢又作貳錢茶清調下

郭茂恂嫂金華君產七日不食始言頭痛頭痛已又心痛作既而目睛痛如割如刺更作更止相去無瞬息間每頭痛甚欲取大石壓良久漸定心痛作則以十指抓壁血流滿掌痛定目復痛又以兩手自剗取之如是十日不已眾醫無計進黑龍丹半粒疾少間中夜再服下瞑目寢如平時至清晨下一行約三升許如蝗虫子三疾減半已刻又行如前則頓愈矣黑龍丹見前產後通用方

產後頭痛

五十五

五十六

丹一婦年三十餘產後身熱頭痛肚痛

陳皮

白朮

白芍藥各貳錢

黃芩貳錢半

川芎壹錢

乾薑

牡丹皮

甘艸各壹錢半

荆芥半錢

右分四貼水煎服

加減四物湯保命治產後頭痛血虛痰癖寒厥皆令

頭痛

蒼朮壹兩陸錢

羌活

川芎

防風

香附炒

白芷各壹兩

石膏貳兩半

細辛壹兩半

甘草各半兩

右麤末每用壹兩水煎不拘時服如有汗者知

氣弱頭痛也方中加芍藥參兩桂壹兩半生薑煎

如痰癖頭痛加半夏參兩茯苓壹兩生薑煎

如熱痰頭痛加白芷參兩石膏參兩知母壹兩

如寒厥頭痛加天麻參兩附子壹兩半生薑參片

煎服

脚氣

大全產後熱悶氣上轉為脚氣者何荅曰產卧血虛生熱復因春夏取涼過多地之蒸濕因足履之所以着為脚氣其狀熱悶掣痠驚悸心煩嘔吐氣上皆其候也可服小續命湯方見雜病中風兩劑必愈若醫者誤以逐敗血藥攻之則血去而疾益增矣 陳無擇評曰脚氣固是常病未聞產後能轉為者往往讀千金見產婦多有此疾之語便出是證文辭害意盖可見矣設是熱悶氣上如何便服續命湯此藥本主少陽經中風非均治諸經脚氣要須依脚氣方論陰陽經

產後脚氣

女科十五

五十八

此處有極淡的墨迹，可能是另一頁的文字或批注，但已模糊不清。

絡調之此涉專門未易輕論既非產後要病更不繁引陳無擇雖有此論然小續命湯加減與之用無不効故百問云寒中三陽所患必冷小續命湯主之加生薑暑中三陰所患必熱小續命湯去附子減大煩躁者紫雪最良庶使後人均得治癘如無紫雪用真薄荷煎冷水嚙下物湯各半服之薛前證當補氣血為主佐以小續命湯寄生湯如不應用大防風湯一產婦患前證或用獨活寄生湯而痊後復作服前湯其汗如水更加口噤吐痰余用十全大補湯培養血氣漸愈後飲食日少肌體日瘦吐痰如湧

此命門火衰脾土虛寒用八味丸及加味歸脾湯諸證漸退肌肉漸生

獨活寄生湯 治肝腎虛弱或久履濕冷之地或洗

足當風濕毒內攻兩脛緩縱攣痛痺弱或皮肉紫

破足膝攣重又專治產後脚氣

川獨活參

桑寄生如無以續斷代

杜仲炒

牛膝去蘆酒浸

細辛

官桂不見

白茯苓

防風

川芎

當歸

人參

熟地黄酒洗

芍藥

秦丸各貳兩

甘草炙壹兩

產後 女科五
右為 咳咀 每服 肆錢 薑伍片 水煎 溫服

遍身疼痛

大產後遍身疼痛者何 答曰產後百節開張血脉流散遇氣弱則經絡肉分之間血多流滯累日不散則骨節不利筋脉急引故腰背不得轉側手足不能動搖身熱頭痛也若醫以為傷寒治之則汗出而筋脉動傷手足厥冷變生他病但服趁痛散除之 薛前證若以手按而痛甚是血滯也用四物炮薑紅花桃仁澤蘭補而散之若按而痛稍緩此是血虛也用四物炮薑人參白朮補而養之 一產婦身腹作痛發熱不食煩躁不寐盜汗脇痛服解散祛血之藥不時

產後 偏身疼痛

女科五

六十

昏憤六脉洪大如無用補中益氣加炮薑半夏一劑
 頓退二三又劑寢食甘美但背強而痛用八珍散大
 補湯調理而安 一產婦遍身頭項作痛惡寒拘急
 脉浮緊此風寒之證也用五積散一劑汗出而愈但
 倦怠發熱此邪氣去而真氣虛也用八珍湯調補而
 痊 一婦六月產後多汗人倦不敢袒被故汗出被
 裡冷則浸漬得風濕疼痛遂以羌活續斷湯數服而
 愈

赴痛散

治產後氣弱血滯遍身疼痛及身熱頭

疼

牛膝

當歸

桂心

白朮

黃芪

獨活

生薑

各半兩

甘草

薤白

各貳錢半

右咬咀每服半兩水參盞煎至壹盞半去香食前
 服 陳無擇評曰赴痛散不特治產後氣弱血滯
 兼能治太陽經感風頭疼腰痛自汗發熱若其
 感寒傷食憂恐驚怒皆致身疼發熱頭痛况有羸
 勞諸證尤甚赴痛散皆不能療不若五積散入醋
 煎用却不妨

五積散加酒煎治感寒頭痛身疼方見傷寒門恐與

四物各半服之穩當加桃仁煎治腰痛逐敗血去風濕

大治產後遍身青腫疼痛及眾疾

牛膝

大麥蘖各等分

右為細末以新瓦罐子中填一重麥蘖一重牛膝如此填滿用鹽泥固濟火煨過赤放冷研為散但是產後諸疾熱酒調貳錢下

活血丹

蒼朮四物各半湯

並見雜病身痛

烏金散治產後骨節四肢疼痛

見後在言諸語

中風

大夫產後中風者由產時傷動血氣勞損藏府未曾平復起早勞動致使氣虛而風邪乘虛入之故中風風邪冷氣客於皮膚經絡但疼痺羸乏不任少氣大凡筋脉挾寒則攣急喎僻挾溫則縱緩虛弱若入諸藏恍惚驚悸隨其所傷府藏經絡而生病焉 郭稽中論曰產後中風者何荅曰產後五七日內強力下床或一月之內傷於房室或懷憂怒擾盪冲和或因食生硬傷動藏府得病之初眼澁口噤肌肉攣搐漸至腰脊筋急強直者不可治此乃人作非偶爾中風

所得也 薛前證果外邪所屬形氣不足病氣有餘
當補元氣為主稍佐以治病之藥若強力不休月內
入房屬形氣俱不足當純補元氣多有復甦者若誤
投風藥乃促其危也

丹產後中風口眼喎斜必用大補氣血然後治痰當
以左右手脉分其氣血多少以治切不可作中風治
用小續命湯及發表治風之藥

防風湯 治產後中風背項強急胸滿短氣
獨活 各去
葛根 各伍兩
當歸 人參 各去

白芍藥

甘草 炙各
貳兩

右為咬咀每服捌錢水壹盞半棗子貳枚擘破同
煎至壹盞去滓温服不拘時

川芎散 治產後中風身背拘急有如繩束

川芎

羌活 去蘆

酸棗仁

羚羊角屑

芍藥 各肆

桑白皮 壹兩
半

防風 去蘆壹
兩貳錢

為咬咀每服壹兩水貳大盞煎至壹盞半去滓不
拘時服日進三服

經効茯苓湯 治產後風虛頭痛語言蹇澁

茯苓 去皮

防風 去蘆

乾葛 各捌錢

麥門冬 去心 壹兩

芍藥

黃芩 各陸錢

犀角屑 肆錢

甘草 炙貳兩

右咬咀每服壹兩水壹大盞半煎至壹盞去滓溫服不拘時

鹿肉湯 治產後中風頭痛壯熱言語蹇澀

鹿肉 叁斤

阿膠 炒脹

黃芩

茯神 去木

黃芪 蜜炙

甘草 炙

白芍藥

人參

獨活 各去蘆

佳心

乾地黄

川芎 各貳兩

半夏 湯洗壹兩

右為咬咀每服伍錢水肆盞鹿肉伍錢薑伍片同煎至貳盞去鹿肉再煎至壹半入阿膠消化去粗溫服不拘時日進貳服

雲岐治產後中風半身手足不遂言語蹇澀恍惚多忘精神不定

獨活

當歸

芍藥

防風

川芎

玄參

天麻 各伍錢

桂心 叁錢

右咬咀以水捌升煮取貳升半分為叁服覺効更

產後中風

女科

下

作一劑又作丸每服貳拾丸如有熱加葛根五錢
有冷加白朮五錢若有氣證加生薑壹兩半若
手足不遂加牛膝壹錢半草薢叁錢黃芪肆錢
若腹痛加當歸芍藥各柒錢半若不食加人參
伍錢玄參壹兩若寒中三陰所患必冷小續命
湯加生薑煎若暑中三陽所患必熱小續命湯
去附子減桂心一半加薄荷煎
保命血氣湯 治產後諸風痠攣無力

秦艽 羌活 防風
白芷 川芎 芍藥

當歸 白朮 茯苓

熟地黄各等分

右為末一半蜜丸一半散酒調下伍柒拾丸妙

治產後風虛五緩六急手足頑痺氣血不調大豆壹
升炒令熟熱投參升酒中密封飲之

小品治產後中風語澁四肢拘急羌活參兩為末每
服伍錢水酒各半盞煎去滓溫服

華陀愈風散 治婦人產後中風口噤手足瘳癱如

角弓或產後血暈不省人事四肢強直或心眼倒
築吐瀉欲死用荆芥穗微焙每服叁錢豆淋酒

產後中風

調服或童子小便服之口噤則挑齒灌之斷噤則灌入鼻中其効如神大抵產後大眩則汗出而滕理踈則易於中風也 時珍曰此方諸書盛稱其妙姚僧坦集驗方以酒服名如聖散云藥下可立待應効陳氏方名舉卿古拜散蕭存敬方用古老錢煎湯服名一捻金王貺指迷方加當歸等分水煎服許叔微本事方云此藥委有奇効神聖之功一婦人產後睡久及醒則昏昏如醉不省人事醫用此藥及交加散云服後當睡必以左手搔頭用之果然答殷產寶方云此病多因怒氣傷肝或憂

氣內鬱或坐草受風而成急宜服此藥也戴氏證治要訣名獨行散賈似道悅生隨抄呼為再生丹右產後中風用續命湯及羌活等發散之藥必詳氣血以四物四君子相與各半停對分兩服之可也

虛極生風大產後下血過多虛極生風者何荅曰婦人以榮血為主因產血下太多氣無所主唇青肉冷汗出目眩神昏命在須臾者此但虛極生風也如此則急服濟危上丹若以風藥治之則誤矣 醒前證若心脾血氣俱虛用十全大補湯如不應加附子鈞

藤鈞若肝經血虛用逍遙散加鈞藤鈞經云脾之榮
在唇心之液為汗若心脾一藏虛極急用參附湯救
之一婦人患前證或用諸補劑四肢逆冷自汗泄
瀉腸鳴腹痛余以陽氣虛寒用六君子薑附各加至
五錢不應以參附各壹兩始應良久不服仍腸鳴腹
痛復灸關元穴百餘壯及服十全大補湯方効
濟危上丹

乳香

五靈脂

硫黃

玄精石同研極細

阿膠炒脹

卷柏生用

桑寄生

陳皮去白各等分

右將上四味同研停於銀石器內微少炒勿焦了
再研極細復入餘藥為末拌勻生地黄汁和丸如
梧子大每服貳拾丸溫酒或當歸酒送下食前

當歸建中湯

見產後腹痛

口噤 大夫產後中風口噤者是血氣虛而風入於頷
頰夾口之筋也手三陽之筋結入於頷產則勞損腑
臟傷於筋脉風若乘之其三陽之筋脉則偏持之筋
得風冷則急故令口噤也

葛根湯 治產後中風口噤仕地頭目眩暈痰盛氣
急及治產後諸疾

葛根

當歸 參兩各
去蘆

白茯苓 去皮

白朮

生薑 各陸
兩

甘草 炙

石膏

防風 各去蘆

獨活 肆兩

桂心

人參 去蘆

川芎 各貳兩

右為咬咀每服伍錢水貳盞煎至壹盞半去滓溫服無時日進一服

乾葛湯

獨活 去蘆
貳兩

生薑 壹兩貳
錢半

乾葛 壹兩
半

甘草 半兩
炙

右為咬咀每服壹兩水貳大盞煎至壹大盞去滓

溫服無時

天麻散

天麻 米錢半

半夏 湯洗米遍
去滑薑製 乾蠍 炒各
半兩

右為細末每服壹錢生薑薄荷酒調下乾開口灌

之不拘時

當歸散

吐涎沫手足瘈瘲

當歸 去蘆

右為細末每服貳錢水壹盞酒半盞煎至壹盞灌

產後中風

女科十五

卷八

如牙關緊急，斡開微微灌之，但下咽即生，屢用救入，大有神効。

伏龍肝散 治產後中風口噤不能語言，腰背疼痛。

伏龍肝壹兩 乾薑半兩

為細末，每服貳錢，溫酒調下，不拘時日，進二服。

交加散 治產前後百病，兼治婦人榮衛不通，經脈

不調，腹中撮痛，氣多血少，結聚為瘕，產後中風並

宜服之。

生地黄壹升 研取自然汁

生薑拾貳兩 研取自然汁

右先將地黄汁炒生薑滓，生薑汁炒地黄滓，各稍

乾焙為細末，每服參錢，溫酒調下，尋常腹痛亦宜服，產後尤不可離。

角弓反張 大夫產後角弓反張者，是體虛受風，風入

諸陽之經也。人陰陽經絡周環於身，風邪乘虛入於

諸陽之經，則腰背反折，攣急如角弓之狀也。薛前

證因氣血耗損，腠理不密，汗出過多而患之者，乃虛

象也。宜固氣血為主，佐以本方。丹溪云：產後當大補

氣血為先，雖有他證，以末治之。如惡寒發熱等證，乃

氣血虛甚之極也。宜大劑參芪歸朮肉桂以培養之。

如不應急用炮附子，再不應用人參壹兩，炮附子貳

參錢名參附湯借猶未應乃藥力未能及也宜多用

愈風散

當歸湯

羌活酒並見前

羚羊角散 治產後中風身體反張

羚羊角屑

當歸各半

獨活

防風各去蘆

麻黃去節各壹兩

人參去蘆

赤芍藥

細辛去苗

桂心各半兩

右為咬咀每服捌錢水壹大盞半生薑伍片煎至壹大盞去滓溫服不拘時

小品療產後中風虛人不可服他藥者一物獨活湯

主之及一物白鮮湯主之亦可與獨活合者之

獨活參兩細切

右水參升煮取壹升分服柰酒者亦可酒水煮

一物白鮮湯 用白鮮皮亦依獨活法

產後中風瘖口噤面青手足急強者

以竹瀝貳升分為五服溫溫頻服大效

治產後中風角弓反張口噤不語方

川烏伍兩坐如豆大

右取黑豆半升同炒半黑以酒參升傾於鐺內急攪以絹濾取酒微溫服壹小盞取汗若口不開者

產後中風

女科五

三

輪開口灌之未効加烏雞糞壹合炒熟入酒中服之以瘥為度

千金雞矢醴 療產後中風及男子諸風并產後百疾神効方又治產後中風口噤拘困篤腰背強直時時反折

烏雞屎 叁升 大豆 貳升

右先炒豆令聲絕次炒雞屎令黃以酒壹升先淋雞屎取汁淋大豆每服壹升重者凡四五服極妙張文仲療產後中風風痙徧身冷直口噤不識人方白朮肆兩以酒叁升煮取壹升頓服効

汗之而變痙

大產後血虛腠理不密故多汗因遇

風邪搏之則變痙痙者口噤不開背強而直如發痙狀搖頭馬鳴身反折須臾拾發氣息如絕宜速斡口灌小續命湯稍緩即汗止如兩手摸控者不可治也薛產後發痙因去血過多元氣虧極或外邪相搏以致牙關緊急四肢痙強或腰背反張肢體抽搐若存汗而不惡寒者曰柔痙若無汗而惡寒曰剛痙然產後患之實由亡血過多筋無所養而致故傷寒汗下過多潰瘍膿血大泄多患之乃敗證也若大補血氣多保無虞若攻風邪死無疑矣 一產婦牙關緊

患腰背反張四肢抽搐兩目連劄余以為去血過多
元氣虧損陰火熾盛用十全大補加炮薑一劑而甦
又數劑而安余在吳江史萬湖第入更時聞喧嚷
云某家人婦忽仆牙關緊急已死矣詢云是新產婦
出直厨余意其勞傷血氣而發瘳也急用十全大補
加附子煎滾令人推正其身一人以手夾止其面却
空開其口將藥灌之不嚥藥已冷令側其面出之仍
正其面復灌以熱藥又冷又灌如此五次方嚥下隨
灌以熟藥遂甦夷堅志云杜壬治郝質子婦產四
日瘳瘳戴眼弓背反張壬以為瘳病與大豆紫湯獨
人處方神驗屢矣

小續命湯

治產後中風及剛瘳柔瘳

陳臨川云雖然陳無擇評曰產後汗出多變瘳亦
令服續命湯此又難信既汗多如何更服麻黃官
桂防已黃芩葷不若大豆紫湯為佳局方大聖散
亦良藥也愚觀朱奉議云凡剛柔二瘳小續命湯

並可加減與之若柔瘳自汗者去麻黃加葛根之說朱奉議必有所據雖大豆紫湯大聖散良亦不可偏見曲說有妨古人之意

大豆紫湯 治中風頭眩惡風自汗吐冷水及產後百病或中風非瘳背強口噤直視煩熱脉緊大者不治 小品左主產後中風困篤背強口噤或但煩躁或頭身皆重或身重痒發嘔吐直視並宜服之

川獨活

去蘆壹兩半

大豆

半升

酒

叁升

右先用酒浸獨活煎一兩沸別炒大豆極焦烟出

急投酒中密封候冷去荳每服壹貳合許得少汗則愈日進十服此藥能去風消血結如妊娠折傷胎死腹中服此得瘳

陳臨川云凡產後口噤腰背強直角弓反張皆名曰瘳又名曰瘳古人察有汗無汗以分剛柔陰陽而治今產寶諸書有中風口噤一門又有角弓反張一門其實一也如增寒發熱有類傷寒皆不論及豈可只以一二藥治之

大豆湯 治產後中風發則仆地不省人事及妊娠挾風兼治蓐草之間諸般病證

產後 中風 女科五

大豆 伍升 炒黃 獨活 去蘆 葛根 各捌兩

防已 去皮 陸兩

右咬咀每服伍錢酒貳盞煎至壹盞半去粗溫服不拘時日三服

麝羊角飲子 治產後氣實腹中堅硬兩脇脹滿心

中煩熱渴欲飲水欲成剛產中風之疾

麝羊角 半兩 錫 防風 羌活

桔梗 並去蘆 敗醬 各捌錢 桂心

柴胡 去蘆 大黃 浸過煨各壹兩貳錢

為咬咀每服五錢水壹大盞半同煎至壹盞去粗

溫服不拘時候更服地黃酒用地黃切壹升炒令黑甕瓶中下熱酒叁升密封口煮令減半任意服之

防風當歸散

防風 當歸 川芎

地黃 各壹兩

右剉每服壹兩水叁盞煎至貳盞溫服

婁氏云續命湯大豆紫湯舉鄉古拜散太陽厥陰藥也邪實脉浮弦有力者固宜但產後血氣太虛之人不宜輕發其表但用防風當歸散治之為妙

產後 中風 女科五

瘕瘕

醉瘕者筋脉拘急也瘕者筋脉張縱也經云肝主筋而藏血蓋肝氣為陽為火肝血為陰為水前證因產後陰血去多陽火熾盛筋無所養而然耳故癰疽膿水過多金瘡出血過甚則陽隨陰散亦多致此治法當用八珍加丹皮釣藤以生陰血則陽火自退諸證自愈如不應當用四君考歸丹皮釣藤以補脾土蓋血生於至陰至陰者脾土也故小兒吐瀉之後脾胃虧損亦多患之乃虛象也無風可逐無痰可消若屬陽氣脫陷者用補中益氣加薑桂陽氣虛敗者用十

全大補加桂附亦有復生者此等證候若肢體惡寒
脉微細者此為真狀若脉浮大發熱煩渴此為假象
惟當固本為善若無方抽搐戴眼反折汗出如珠流
者皆不治 一產婦因勞兩臂不能屈服蘇合香丸
肢體痿軟汗出如水余謂前藥辛香耗散真氣腠理
虛而津液妄泄也先用十全大補湯加五味子補實
腠理收斂真氣汗頓止又佐以四君子調補元氣漸
愈用逍遙散大補湯調理而痊 一產婦先胸脇乳
內脹痛後因怒口噤吐痰臂不能伸小便自遺左三
部脉弦余謂此肝經血虛而風火所致不能養筋先

用加味道遙散治之臂能屈伸又以補肝散六味丸
諸證悉愈 一婦人發瘵遺尿自汗面赤或時面青
飲食如故肝脉弦緊余曰此肝經血燥風熱名瘵也
肝主小便其色青入心則赤法當滋陰血清肝火遂
用加味道遙散不數劑諸證悉退而安 一婦人產
後血風患此以小續命湯數服而安
表
產後因虛傷風瘵瘵同傷寒表證未傳入裏宜服防
風湯

防風湯 治風虛發熱項背拘急肢節不隨恍惚狂
言來去無時不自覺悟亦治脚氣緩弱甚効此藥

温和不虛入

秦艽 去苗土

獨活 去蘆

麻黃 去節

半夏 湯洗米

防風 去蘆各

升麻

防已

白朮

石膏 煨

芍藥 白者

黃芩

甘草

當歸 去蘆

遠志 去骨

人參 去蘆各

右為籠末入半夏片令勻每服肆錢水貳中益生薑柒捌片煎至壹盞去滓取清汁陸分入麝香末少許食後臨臥帶熱服

海藏愈風湯 即華佗愈風散

交加散 即當歸散並見產後中風

增損柴胡湯

治產後感異證手足牽搐涎潮昏悶

柴胡 叁錢

黃芩 壹錢

人參

甘草 炙

半夏 各壹錢半

知母 壹錢

石膏 貳錢

黃芪 貳錢半

右吹咀分一服水貳盞薑叁片棗貳枚煎分不拘時服

秦艽湯 前證已去次服此藥去其風邪

秦艽

芍藥

柴胡 各壹錢

甘艸 炙壹錢

黃芩

防風 各壹錢

人參

半夏 各壹錢

右為吹咀分二貼每貼水貳盞薑參片煎捌分食
遠服

甘草 黃芩 黃連 黃柏 芍藥 當歸 川芎 羌活 獨活 秦艽 桂枝 白芍 茯苓 白朮 熟地 山藥 杜仲 桑寄生 續斷 狗脊 木瓜 薏苡仁 羌活 獨活 秦艽 桂枝 白芍 茯苓 白朮 熟地 山藥 杜仲 桑寄生 續斷 狗脊 木瓜 薏苡仁

拘攣

大產後中風筋脉四肢攣急者是氣血不足臟腑俱
虛月內未滿起早勞役動傷臟腑虛損未復為風所
乘風邪冷氣初客於皮膚經絡則令人頑痺不仁羸
之少氣風氣入於筋脉挾寒則攣急也 醉肝屬木
而主筋前證若肝經風熱血燥用加味道遙散如不
應當用六味地黄丸以補腎水經云風客淫氣精乃
亡邪傷肝也仍參前雜證諸風血方論治之 一產
婦筋攣臂軟肌肉掣動此氣血俱虛而自熱也用十
全大補湯而安 一產婦手麻服愈風丹遍身皆麻

產後拘攣 女科五

神思倦怠余謂氣血虛弱用十全大補加炮薑數劑漸愈去薑又數劑及逍遙散而痊

芎藭散 治產後中風四肢筋脉攣急夜痛背項強急

芎藭

羌活

當歸 各去蘆

酸棗仁 炒

羚羊角屑 各半

防風 去蘆

牛蒡子 各壹兩 炒

桂心

赤芍藥 各半兩

右為咬咀每服捌錢水壹大盞半煎至壹大盞去粗溫服不拘時

薛前方如未應當用八珍湯更不應用十全大補

湯

防已膏 治產後中風四肢筋脉攣急身體麻痺並宜用之

漢防已 去皮 半斤

茵芋 伍兩

右為咬咀用酒五升浸藥壹宿取豬肪脂壹斤文武火熬三上三下成膏攤在紙花上貼病人患處以熱手不住摩膏上

不語

大人心有七孔三毛產後虛弱多致停積敗血閉於心竅神志不能明了又心氣通於舌心氣閉塞則舌亦強矣故令不語但服七珍散薛經云大腸之脉散舌下又云脾之脉是動則病舌本強不能言又云腎之別脉上入于心繫舌本虛則不能言竊謂前證若心腎氣虛用七珍散腎虛風熱地黄飲大腸風熱加味道遙散加防風白芷脾經風熱秦艽升麻湯肝經風熱柴胡清肝散加防風白芷脾氣鬱結加味歸脾湯加升麻肝木太過小柴胡加釣藤鈎脾受土侮

產後不語

卷五

八

產後不語
宜用之
薛經云
大腸之脉
散舌下
又云脾之脉
是動則病
舌本強
不能言
又云
腎之別脉
上入于心
繫舌本
虛則不能
言竊謂
前證
若心腎
氣虛
用七珍
散
腎虛
風熱
地黄
飲
大腸
風熱
加味道
遙散
加防
風白
芷
脾經
風熱
秦艽
升麻
湯
肝經
風熱
柴胡
清肝
散
加防
風白
芷
脾氣
鬱結
加味
歸脾
湯
加升
麻
肝木
太過
小柴
胡
加釣
藤鈎
脾受
土侮

六君加升麻白芷鈞藤鈞肝脾血虛用佛手散脾氣
虛用四君子氣血俱虛八珍湯如不應獨參湯更
不應急加附子補其氣而生其血若竟用血藥則誤
矣 一產婦不語用七珍散而愈後復不語內熱瞞
熱肢體倦怠飲食不進用加味歸脾湯為主佐以七
珍散而愈後因怒不語口噤腰背反張手足發搐或
小便見血面赤或青或黃或時兼赤余曰面青肝之
本色也黃者脾氣虛也赤者心血虛也用八珍湯加
鈞藤鈞茯苓遠志漸愈又用加味歸脾湯而痊
七珍散

人參

川芎 各壹兩

辰砂 別研各半兩

石菖蒲

細辛 壹錢

生地黄

防風

右為極細末每服壹錢薄荷湯調下無時

胡氏孤鳳散 治產後閉目不語用生白礬末每服

壹錢熱水調下

治產後不語

人參

石蓮肉

不去心

石菖蒲

各等分

右每服伍錢水煎

逐血補心湯 治產後失音不語

紅花

赤芍藥

生地黄

桔梗

蘇葉

前胡

茯苓

防風

牛膽南星

黃連

粉葛

當歸

薄荷

人參

升麻

半夏

貳錢五分

甘草

壹錢

右判為散分作二服每服水壹鍾半薑叁片煎至
柒分空心服滓再煎服

狂言譫語

大夫產後語言顛倒或狂言譫語如見鬼神者其源
不一須子細辨證用藥治療產後驚風言語亂道如
見鬼神精神不定者研好朱砂酒調下龍虎丹方見
三九作一服兼琥珀地黄丸服之一則因產後心
虛敗血停積上干於心而狂言獨語者當在乍見鬼
神條求之二則產後臟虛心神驚悸志意不安言
語錯亂不自覺知神思不安者當在驚悸條求之
三則宿有風毒因產心虛氣弱腰背痠直或歌哭嗔
笑言語亂道當作風痙治療當在心驚中風條求之

四則產後心虛中風心神恍惚言語錯亂當在中風恍惚條求之 五則產後多因敗血迷亂心經而顛狂言語錯亂無常或暈悶者當於本卷血暈類中求之 六則因產後感冒風寒惡露斬然不行增寒發熱如瘧晝日明了暮則譫語如見鬼狀當作熱入血室治之宜琥珀地黄丸及四物湯只用生乾地黄加北柴胡等分煎服如不退者以小柴胡湯加生乾地黄如黃芩分兩煎服愈雖然已上諸證太抵胎前產後自有專門一定之法毫髮不同如產後首當逐散生新然後子細詳辨疾證不可妄立名色自生新

意加減方藥大宜對證依古法施治未有不安者也 薛前證當固胃氣為主而佐以見證之藥若一於攻痰則誤矣 一產婦形體甚倦時發譫語用栝子散稍愈又用加味歸脾湯而愈又因怒仍狂心脇痛小便下血用加味逍遙散以清肝火養肝血頭瘥又佐以加味歸脾湯而安

雲岐奪命散

血暈

治產後敗血衝心發熱狂言奔走脉虛大者

乾荷葉

生乾地黄

牡丹皮

等分

右三味濃煎湯調生蒲黃末貳錢匕一服即定

局方妙香散治產後心神顛倒語言錯亂如見鬼神
用生乾地黄當歸二味煎湯調服立効
烏金散 治產後三五日或半月之間忽狂言亂語
且見神鬼等證

當歸

遠志肉

川芎

酸棗仁

白朮

赤芍藥

香附子

辰砂 另研入

熟地黄

羌活

防風 各貳錢

茯神 貳錢

半夏 叁錢

全蠍

麥門冬

人參

牛膝

天麻 各壹錢

甘草 玖分

陳皮

白芷 各壹錢 伍分

右剉散作一服水壹鍾半薑叁片葱三枚入金銀
同煎壹碗不拘時溫服

四物補心湯

治產後言語恍惚顛倒錯亂

當歸 伍錢

川芎

生地黄

白芍藥

茯神

半夏

桔梗

白朮 各肆錢

陳皮 叁錢

甘草 壹錢

右剉為散分作六服每服用水壹鍾薑叁片煎至
柒分空心溫服滓再煎服 有熱加酒炒黃連貳

產後 狂言譫語

女科五

八

錢無熟不用

顛狂

大療產後因驚敗血衝心昏悶發狂如有鬼祟宜用局方大聖澤蘭散宜自合者加好辰砂研令極細每服加壹字許煎酸棗仁湯調下一服可安薛前證乃血虛神不守舍非補養元氣不可仍參後各門互用一產婦患前證或用大澤蘭湯而愈後又怔忡妄言其痰甚多用茯苓散補其心虛頓愈又用八珍散加遠志茯神養其氣血而瘥一產婦亦患此證用化痰安神等藥病益甚神思消爍余以為心脾血氣不足用大劑參朮芩歸茯神酸棗仁四斤餘而安

乃以歸脾湯五十餘劑而愈

大聖澤蘭散

治婦人血海虛冷久無子息及產後

敗血衝心中風口噤子死腹中擘開口灌藥須臾生下便得無恙治墮胎腹中攻刺疼痛橫生逆產胎衣不下血運血癖血滯血崩血入四肢應血藏有患及諸種風氣或傷寒吐逆咳嗽寒熱往來遍身生瘡頭痛惡心經脈不調赤白帶下乳生惡氣胎藏虛冷數曾墮胎崩中不定因此成疾室女經脈不通並宜服之常服暖子宮和血氣悅顏色退風冷消除萬病兼療丈夫五勞七傷虛損等病

澤蘭葉

石膏 研各貳兩

卷栢 去根

白茯苓 去皮

防風 去蘆

厚朴 去麩皮薑汁炙

細辛 去苗

栢子仁 微炒

桔梗

吳茱萸 湯洗米次焙炒各壹兩

五味子 揀淨

人參

藁本 去苗

乾薑 炮

川椒 去目閉口微炒出汗

白芷

白朮

黃芪 去苗

川烏頭 炮去皮臍

丹參 各柒錢半

蕪荑 微炒赤

甘艸 炙

川芎

芍藥

當歸 各壹兩柒錢半

白薇

阿膠 碎炒燥各半兩

肉桂 壹兩貳錢半

生乾地黃 壹兩

至後願在

八十一

右為細末每服貳錢空心臨卧熱酒調下若急疾不拘時日三服

何氏方治產後因敗血及邪氣入心如見祟物顛狂大辰砂壹貳錢重研令極細人乳三四茶脚許調仍掘紫項活地龍一條入藥候地龍滾三滾取出地龍不用不令帶藥出但欲得地龍身上涎取却入無灰酒與前乳汁相和七八分盞重湯温遇疾作分三二服

乍見鬼神

天_心主身之血脉因產傷耗血脉心氣虛則敗血停積上干於心心不受觸遂致心中煩躁卧起不安乍見鬼神言語顛錯醫人不識呼為風邪如此治必不得愈但服調經散每服加龍腦壹捻得睡即安薛前證若敗血停滯用調經散若血虛發熱用八珍加炮薑若心血虛損用栝子仁散太抵此證皆心脾血少所致但調補胃氣則痰清而神自安矣若果係鬼祟所附即灸鬼穴可愈其或不起者多因熱痰降火攻伐之過也一產婦患前證或用調經散愈而

產後乍見鬼神

卷之五

七

挾熱

挾寒

復作仍服前藥益甚痰涎上湧朝寒暮熱余朝用八
珍散夕用加味歸脾湯各五十餘劑而愈
雲岐治產後發熱狂言奔走脉虛大者四物湯加柴
胡如不愈加甘草柴胡生地黃等分煎服亦可
廣濟治產後血暈心悶不識人神言鬼語氣急欲絕
見血暈

調經散
沒藥
琥珀並細研
桂心各壹錢
當歸各貳錢半
麝香研
細辛各半錢

右為末每服半錢生薑汁温酒各少許調服

茯神散 治產後血邪心神恍惚言語失度睡卧不
安

茯神壹兩去皮木 人參
琥珀研 赤芍藥
龍齒研
牛膝各柒錢半 生地黃壹兩半 黃芪
桂心半兩

右為末每服叁錢水壹盞煎至柒分不拘時去滓
温服

治方產一日言語顛倒用蘇合香丸壹錢以童便調
服即甦

產後見鬼神

虛

栝子仁散 治產後狂言亂語皆因內虛敗血挾邪

氣攻心

栝子仁

遠志 去心

人參

桑寄生

防風

琥珀 別研

當歸 焙

生地黄 焙

甘草 各等分

右為粗末先用白羊心壹箇切片以水壹大盞半先煮至致分去羊心入藥末伍錢煎至陸分去滓無時服

與前顛狂譫語門參看

驚悸

天產後臟虛心神驚悸者由體虛心氣不足心之經為風邪所乘也或恐懼憂迫令心氣受於風邪邪搏於心則驚不自安若驚不已則悸動不定其狀目睛不轉而不能動診其脉動而弱者驚悸也動則為驚弱則為悸矣 薛按人之所主者心心之所主者血心血一虛神氣不守此驚悸所由作也當補氣血為主一產婦患前證二度服琥珀地黄丸局方妙香散隨効再患服之其症益甚而脉浮大按之如無發熱惡寒此血氣俱虛用十全大補加味歸脾二湯各

產後驚悸

八斗

八十九

百餘劑而愈後遇驚恐勞怒復作仍服前藥而安
大產後心悶氣絕眼張口禁遍身強直腰背反偃狀
如癩疾心忪驚悸言語錯亂皆是宿有風毒因產心
氣虛弱發成風痙 薛按仲景先生云有汗為柔痙
用桂枝湯無汗為剛痙用麻黃湯然產後得此血氣
俱乏之敗證也不可與傷寒例看丹溪先生云產後
當大補氣血為主可用十全大補湯以補元氣如不
應急加附子更不應是藥力弗逮也仍用參附湯多
服余常治太虛之證參芪數斤附子數枚方愈 一
產婦患此不省人事言語妄甚惡風寒喜熱飲形氣

倦怠脉虛浮無力余謂血氣虛寒用十全大補湯二
十餘劑不應又二十餘劑稍緩乃漸加附子至一錢
服數劑諸證減一二又二十餘劑十退三四乃去附
子五分數劑諸證頓退而安又發仍服前藥加附子
三五分而愈

白茯苓散 治產後心神驚悸言語失常心神昏憤

- 白茯苓 去皮 熟地黄 人參 去蘆各壹兩半
- 遠志 去心 白芍藥 黃芪 去蘆
- 桂心 當歸 炒去蘆 甘草 炙
- 麥門冬 各壹兩 石菖蒲 桑寄生 各柒錢半

右為咬咀每服捌錢水壹大盞半生薑伍片棗參
枚竹葉參柒片煎至壹大盞去滓溫服無時
熟乾地黄散 治產後心虛驚悸神思不安

熟乾地黄

貳兩

黃芪

去蘆

白薇

龍齒

另研

各壹兩

人參

去蘆

茯神

去木

羌活

遠志肉

各柒錢半

桂心

防風

去蘆

甘草

炙各半兩

右為咬咀每服五錢水壹大盞半生薑五片棗參
枚煎至壹大盞去滓溫服不拘時方無黃者有荆芥
產乳七寶散 初產後服之調和血氣補虛安心神

鎮驚悸

朱砂

水飛

桂心

當歸

去蘆

川芎

人參

去蘆

白茯苓

去皮

羚羊角

燒存性

乾薑

壹錢

為細末每服壹錢用羌活豆淋酒調下將護產婦用之
飲酒用清米飲調下 如覺心煩熱悶以麥門冬
去心煎湯調下若心下煩悶而痛用童便調下若
覺心胸煩熱即減薑桂覺寒却加之腹痛加當歸
心悶加羚羊角心虛氣怯加桂心不思飲食或惡
心加人參虛煩加茯苓以意斟酌日二夜一服之

產後驚悸

女科

十一

海藏大効牡丹散 治血臟虛風及頭目不利不思飲食手足煩熱肢節拘急疼痛胸膈不利太腸不調陰陽相干心驚怯悸或時旋暈

牡丹皮

川芎

枳殼麩炒各壹兩

陳皮

玄胡索

甘草

羌活

半夏湯洗各半兩

木香

訶子肉

芍藥各柒錢半

三稜炒壹錢

乾薑炮

桂心各伍錢

當歸壹半

白朮炒叁錢

右為細末每服貳錢水壹盞半煎五七沸食前温

服益血海退血風勞攻注消寒痰實脾胃理血氣
攻刺及氣虛惡寒潮熱證至妙
遠志丸 治產後臟虛不足心神驚悸志意不安腹
中急痛或時怕怖夜卧不安

遠志

麥門冬各去心

黃芪

當歸炒

人參

白朮

獨活各去蘆

白茯苓去皮

桂心

栝子仁

石菖蒲

熟乾地黄

山茱萸

鍾乳粉

阿膠碎炒各壹兩

右為細末煉蜜和搗五七百下丸如梧桐子大每

服參拾丸温酒送下不拘時候日進二服

白茯苓丸 治產後心虛驚悸神志不安

白茯苓 去皮各壹兩 熟乾地黄各壹兩 人參去蘆

桂心 遠志去心 石菖蒲

栝子仁 琥珀各半兩 另研細

右為細末煉蜜和搗三二百下丸如梧子大每服

參拾丸不拘時粥飲送下

右方俱用桂中無熱而脈遲且微者宜之

人參散 治產後臟腑虛心怔驚悸言語錯亂

人參去蘆 麥門冬去心 各捌錢 牛黃研

白薇各貳錢 茯神去木 獨活

防風各去蘆 遠志去心 生地黄

朱砂水飛 天竺黃另研 甘草炙

龍齒研各肆錢 龍腦另研 麝香細研 各壹錢

右為細末每服貳錢薄荷酒調下不拘時

琥珀地黄散 治血虛多驚及產後敗血諸疾

辰砂 琥珀 沒藥並細研

當歸各等分

右為細末每服貳錢空心白湯調下日二服

茯苓散 療產後狂語志意不定精神昏亂心氣虛

產後驚悸 婦科 卷五

風邪所致

茯苓 一方用

白薇

人參

生地黄 各參

龍齒 各貳兩

獨活 各貳兩以

遠志

防風

右以銀壹大斤水壹斗五升煮取柒升下諸藥煮

取叁升温分三服忌菘菜猪肉生冷一方治產後

神恍忽志意不定加荆芥

療產後多虛羸弱若大汗利皆至於死此重虛故也

若中風語謬昏悶不知人者宜服此

人參

茯苓

羌活

大棗

遠志 各貳兩

竹瀝 壹升

右用水陸升煮取叁升下竹瀝更煎取貳升半分

三服

抱膽丸 治產後血虛驚氣入心及顛癇風狂或室

女經脉通行驚邪蘊結

水銀 貳兩

黑鉛 壹兩半

朱砂 壹兩另

乳香 壹兩另

右將黑鉛入銚子內鎔化下水銀結成砂子次下

朱砂滴乳末乘熱用柳木搥研勻丸如芡實大每

服壹丸空心金銀薄荷湯化下得睡切莫驚動覺

來即安

妙香散亦善

恍惚

大產後中風恍惚者由心主血血氣通於榮衛臟腑
 遍循經絡產則血氣俱傷五臟皆虛榮衛不足即為
 風邪所乘則令心神恍惚不定也 薛前證當大補
 血氣為主而佐以後方為善蓋風為虛極之假象也
 固其本源諸病自退若專治風則速其危矣 一產
 婦患前證盜汗自汗發熱晡熱面色黃白四肢畏冷
 此氣血俱虛用八珍湯不應更用十全大補加味歸
 脾二湯始應後因勞怒發厥昏憤左目牽緊兩唇抽
 動小便自遺余謂肝火熾盛用十全大補加釣藤山

產後恍惚

女科五

七五

梔而安再用十全大補湯辰砂遠志丸而愈
千金療產後暴苦心悸不定言語錯亂恍惚皆因心
虛所致

茯苓 參兩

芍藥 貳兩

甘草

桂心

當歸 各壹兩

生薑 壹兩半

麥門冬 壹升 去心

大棗 參拾枚

右為散水參升煎取壹升去滓分作兩服

經効療產後心虛忪悸志意不定煩躁恍惚

茯神

當歸

黃芩

麥門冬 去心

甘草

人參

芍藥

酸棗仁

白鮮皮 各參兩

大棗 柒枚

右為粗末水貳升煮取柒合去滓温服

琥珀散 治產後中風恍惚語澁心神煩悶四肢不

隨

琥珀 另研

茯神 去木各壹兩

遠志 去心

石菖蒲

黃芪

防風

獨活

人參 各去蘆

麥門冬 去心

芎藭

桑寄生

赤芍藥

羚羊角屑 各半兩

甘草 貳錢半炙

右為咬咀每服五錢水壹中盞半煎至壹大盞去滓温服不拘時

遠志散 治產後中風心神恍惚言語錯亂煩悶睡卧不安

遠志 去心ラ

防風 去蘆各壹兩

麥門冬 去心

酸棗仁 炒

桑寄生

獨活 去蘆ラ

桂心

當歸 去蘆炒

茯神 去木ラ

羚羊角屑 各柴錢半 甘草 炙半兩

右為咬咀每服伍錢煎服法同前

天麻丸 療產後中風恍惚語澁四肢不隨

天麻

硃砂 水飛

防風 去蘆ラ

羌活 去蘆各壹兩

僵蠶 炒米錢半

乾蝎 炒

白附子 炮

五靈脂 炒各半兩

雄雀糞 炒

牛黃 另研各貳錢半

右為細末糯米飯為丸如梧子大每服貳叁拾丸薄荷酒送下日進二服

辰砂遠志丸 主產後中風消風化痰安神鎮心

石菖蒲

遠志肉 甘草煮

人參

茯神 去木ラ

辰砂 各伍錢

川芎

山藥

鐵粉

麥門冬 去心

細辛 天麻 半夏湯泡
 南星 白附子各壹兩
 右為末薑汁煮糊丸如菉豆大別以朱砂為衣每服參拾丸夜卧生薑湯吞下

虛煩

餘血奔心

薛論見發熱條 四物湯加茯神遠志治產後虛煩
 十全大補湯尤効
 大餘血奔心蓋是分解了不便與童子小便并擗心
 下及卧太速兼食不相宜之物所致但能依方療之
 無不痊可
 療產後餘血不盡奔衝心煩悶腹痛

川芎

生乾地黄

枳殼

芍藥各等分

右酒服方寸匕日二服

集驗療產後血氣煩方

千金同

產後虛煩

女科五

二七

生地黄汁

清酒 各壹升

右相和煎壹沸分為兩服

廣濟療血氣煩悶方 生藕汁飲貳升効竹瀝亦得

療產後七日內宿血不散時時衝心迷悶

荷葉

壹兩半

延胡索

貳兩

地黄汁

貳合

右水貳升煮二味取糊合下延胡索分三服空心

忌肉食二日

療產後餘血攻心或下血不止心悶面青冷氣欲絕

羊血壹盞頓服若不定更服立効

經効療產後氣虛冷搏於血血氣結滯上衝心腹脹

滿

當歸

桂心

川芎

吳茱萸

橘皮

生薑

各壹兩

芍藥

貳兩

右吹咀以水參升煮取壹升去滓空心服

治產後餘血奔心

用陳白梅搥碎渴煎湯飲

金黃散 治產後惡血衝心時發煩躁

玄胡索

蒲黃

各半兩

桂心 貳錢半

右為細末烏梅煎湯冷調下貳錢

沒藥丸 治產後心胸煩躁惡血不快

產後虛煩

女科

沒藥研

乾漆炒

牛膝

蠻薑

當歸

牡丹皮

延胡索

桂心

乾薑各等分

右為細末醋煮麵糊丸如梧桐子大煎麩湯下拾九至拾伍丸

補遺治產後餘血衝心煩悶腹痛

紙炒每壹錢東流水煎湯調下

用蒲黃多不以隔

又失笑散亦佳

短氣治產後短氣欲絕心中煩悶竹葉湯

竹葉

甘艸壹兩

切細

麥門冬

生薑貳兩

小麥各壹升

大棗拾貳枚

右切以水壹斗煮竹葉小麥至捌升去滓納餘藥煮取叁升去滓温服虛悸加人參貳兩少氣力加糯米伍合

甘竹茹湯

甘竹茹

甘草

治產後內虛煩熱短氣方

壹升

各壹兩

人參

黃芩

茯苓

右咬咀以水陸升煮取貳升去滓分三服日三

人參當歸湯

治產後去血過多血虛則陰虛陰虛生內熱令人心煩短氣自汗頭痛

熟地黄

產後虛煩

人參

各壹兩

當歸身

去蘆

去蘆

肉桂 去粗皮 麥門冬 去心 各 白芍藥 錢半

血熱甚者加生地黄貳錢

水貳鍾粳米壹合竹葉拾片煎至壹鍾食遠服

氣薤白湯 治產後胸中煩熱逆氣方

薤白 半夏 甘草

人參 各壹兩 栝蒌根 貳兩 麥門冬 半升

右以咀以水壹斗參升煮取肆升去滓分伍服日

三夜二熱甚加知母壹兩

雲岐治產後虛煩不得眠芍藥梔鼓湯

芍藥 當歸 梔子 各伍 香鼓 半合

不得眠

中風 四肢 煩熱

右如梔子鼓湯修服產後傷寒便同下後變證此

雖雲岐法不若仲景酸棗湯穩當

仲景三物黃芩湯 婦人在草褥自發露得風四肢

苦煩執頭痛者與小柴胡湯頭不痛但煩者此湯

主之 小柴胡湯見傷寒少陽病

黃芩 壹兩 苦參 貳兩 乾地黄 肆兩

右三味以水捌升煮取貳升溫服壹升多吐下虫

婦人產中虛煩亂嘔逆安中益氣竹皮大丸主之

生竹茹 石膏 各貳分 桂枝

白薇 各壹分 甘草 柒分

右五味末之棗肉和丸彈子大每以飲服壹丸日
三夜二服有熱者倍白薇煩喘者加栝實壹分
陳尋常治諸虛煩熱者以竹葉石膏湯溫膽湯殊不
知產後與尋常不同如石膏等藥不宜輕用用之必
死

經驗方 治產後煩躁禹餘糧壹枚狀如酸餡者入
地理一半四面築緊用炭壹秤發頂火壹斤煨去
火三分耗二為度用濕沙土罨一宿方取出打去
外面一層只用裏內細研水淘澄五七度將紙襯
乾再研數千遍用甘草煎湯調貳錢匕一服立効





